



Diamars Mei 27 2014 - Edicion-8 Vol.19406
Sta. Cruz #110 Tel: 585-9500 Fax:585-0951 - E-mail: solodipueblo@gmail.com

1.50

Gobierno ta tumando mas medida! **LO BAY BAHÁ E SUMA DI PENSIOEN PA PENSIONADONAN CU TA COBRA VIA APFA**

Minister di Finanzas a informa parlamento ayera cu ainda falta medidanan pa wordo anuncia na pueblo. Un di e medidanan ta cu Gobierno kier stop di paga duurtetoeslag na APFA y consecuentemente esnan cu ya ta cobrando pensioen, tambe lo wordo afecta y lo bay cobra menos placa. E suma aki ta varia, depende di cada ex - empleado cu ta

cobrando nan pensioen. E Mega Debe causá pa Mike Eman no conoce fin di medida, tras di medida. Sinembargo Rietveld ta keda goza di 70 mil florin di huur pa luna. TNO ta keda haya 30 mil florin pa luna. Tur otro comerciante den green project ta keda cobra mientras cu pueblo avor tin cu bay sufrí cu medida den saco di pensionadonan.

**URATACA
CENTER**
Special di awe:
Balchi Crab den sauce,
Funchi, Banana &
Salada
Afl. 10.00
(di 12 pa 3pm)
Tel: 585-5212

**Hemelvaartsdag
feest:**
Zeta Band, TST y
Dj Alvin den Club
Trappers.
Diarazon, 28 di Mei
2014, 9pm

Patruxa di Playa a bolter na e cruzada pabao di ELMAR



GRUPO 7 DILANTI BUSHIRI



MEP TA YAMA REUNION URGENTE NA SEDE DI MEP AWE DIAMARS

GOBIERNO TA BAY BAHÁ
PENSIOEN DI ESNAN CU YA TA
GOZANDO DI NAN PENSIOEN

EXTENDED OPEN HOURS!

Monday to Thursday: 8am-10pm / Friday & Sat. 8am-11pm / Sunday: 9am-6pm

Tur Diasabra 9-11am
Koffie Morgen
Gratis!

Tur diamars 8am-12pm
Tremendo Descuento

**10%
OFF**

Riba

- *PORK CHOP
 - *LOIN RIBS
 - *CHICKEN WINGS
 - *WHOLE CHICKEN
 - *CHICKEN BREAST
 - *CHICKEN WH.LEGS
- (No discount on case-volume)



Simply Low Prices Everyday!

True Value
START RIGHT. START HERE.®

5% EXTRA DISCOUNT!

Busca esun di bo!

For VIP
Disc.
Card
Members
ONLY!



10% + 5% = **15%**



MIENTRAS OTMAR ODUBER TA INSULTA FAMIA DI EVELYN WEVER- CROES CONSTANTEMENTE AWOR OTMAR TA YORA PA NO OFENDE SU FAMIA

Evelyn na Otmar: "No haci cu otro locual bo no kier pa otro haci cu bo"



**"TREAT
YOURSELF THE
WAY YOU WANT
OTHERS TO
TREAT YOU."**

Siman pasa tabata tin un acontecimiento masha hilarico den cual Otmar Oduber, na forma bastante infantil, ta pidi pa no ofende su famianan. Lider di MEP, Evelyn Wever-Croes a duna un reaccion cortico riba esaki. "Mi



ta manda un mensahe personal pa Otmar Oduber: Trata otro manera bo kier wordo trata. Otmar Oduber tin añas ta insulta mi famianan, mi ruman awe den feliz memoria, mientras e tabata riba cama di operacion ta lucha pa su bida, den Parlamento Otmar Oduber a yame pa un "desgraciado" y awor cu Otmar Oduber ta piki locual e mes a cosecha, awor e kier yora?!? Ami no ta aproba atakenan riba famia di NINGUN hende y mi mes no ta haci'e. Y usualmente ami no ta reacciona riba Otmar Oduber tampoco, pero e expresion di Otmar Oduber a pone cu mi mester a reacciona si y pesey mi ta mand'e e mensahe aki: Si bo no kier pa hende insulta

bo famia, stop di insulta famia di otro. Y si bo kier sigui insulta famia di otro, para manera un homber den bo zapato y no core yora. Manera mi colega Dangui Oduber a bisa: Nos no mester ofende famia di ningun minister, pa proba con malo nan ta maneha nos pais. E ministernan mes ta duna nos suficiente ehempel di nan mal gobernacion.

CUSHINA DI MI MAMA

DIAMARS 27 MEI '14

*SOPPIE GALIÑA
*GALIÑA SToba
*CURRY CHICKEN
*RABO DI BACA SToba
*HIGRA HASA DEN SIBOYO



Santa Cruz
BARBERSHOP
Mon-Fri: 8AM-9PM • Sun: 9AM-6PM

T1.600-6673 • T2.592-1880

ORCUYO SAND & HEAVY EQUIPMENT

**PA TUR SORTO DI SANTO,
PIEDRA Y GRANIET.**

ENTREGA TA GRATIS Y CU

BON SERVICIO.

**SERVICIO DI HACI CURA Y TERENO
LIMPI CU BOBCAT.**

PIDIE AWE, HAYE AYERA !



Tel: 741-4964

Aruba Softball Bond hunto cu Royal Power y HEINEKEN ta presenta

Champs of the Champs 2014 "The 8th Edition" 30 Juni - 6 Juli 2014

10 equipo internacional CONFIRMA!!!!!! Delegacionnan di mas di 500 persona
*Competencia halto nivel den combinacion cu un ambiente unico!! Keda
Pendiente.*

Aruba Airlines a haya pago di Venezuela

El ministro de Transporte Aéreo y Aéreo, Hebert García Plaza, ha informado este lunes que se ha concretado el pago total del año 2013 con las aerolíneas Aruba Airlines, TAME Ecuador, Insel Air y AeroMéxico. La mañana de este lunes, los ministros de García Plaza y Rodolfo Marco Torres, Economía, Finanzas y Banca Pública, sostuvieron reuniones con representantes de las aerolíneas Aruba Airlines, TAME Ecuador, Insel Air y AeroMéxico, para coordinar los pagos correspondientes. Ambos funcionarios han realizado las mesas de trabajo con cada aerolínea por separado. También se han reunido con representantes de Avianca y Lacs-Taca, con quienes solventaron el pago de la deuda de 2012.

Ladronnan wowo habri pa horta den cas

Asistencia di Polis a wordo pidi diabierna 21.50, na Savaneta pa un ladroncia den un cas no habita. E muher P. kende a bisa cu e cas no ta habita na e momento ey y no tin awa ni coriente. El'a bisa cu siman pasa e cas a wordo laga bon na yabi. Mas o menos 18.00, el'a bay controla y a mira cu e bentana dilanti tabata forza. E airco den e kamber tabata destrui. El'a bisa cu desconocirnan a kita un spiel for di muraya y nan a hay'e den cura patras di e cas. E radio cu tabata den cushina a wordo haya den un kamber unda e bentana tabata habri. P. a bisa cu e no ta haya falta di nada. Polis a tuma e keho.

Ladronan a horta pen di insulina for di auto

E homber W. a bay warda di Polis diasabra pa 12:07, pa duna keho di ladroncia for di su auto. El'a bisa cu ladronnan a kibra un bentana di su auto y a bay cu pennan di insuline y tambe un tas. Central a wordo poni na haltura.

Ladronnan ta sigui horta den Spaans Lagoenweg

Polis a bay diasabra pa 7.00, den Spaans Lagoenweg pa un ladroncia. Polis a papia cu e victima L. kende a bisa cu el'a para su auto Mitsubishi Montero color di oro pabao di su cas y dia 23 di Mei 22:00, ainda el'a mira e auto para eyan. Dia 24 di Mei 6.30, el'a mira cu ladronnan a bay cu e auto. Polis a tuma e keho, diasabra 10.54, e auto a wordo haya den Ohmstraat na San Nicolas. Lucho Towing a hiba e auto Mitsubishi Montero color di oro procedente di ladroncia, na Centro di Husticia pa investigacion.

Parlamentario di MEP, sr. Guillfred Besaril:

"Juli ta den porta, sin claridad riba e cobranza di 25 Florin pa recoge sushi"

Den un entrevista cu parlamentario Guillfred Besaril el'a elabora riba Serlimar cu dentro di poco ta bay cobra 25 Florin pa piki sushi. "E suma cu a wordo anuncia pa e gerencia di Serlimar ta di 25 florin. E suma aki lo wordo cobra den forma di un belasting special pa cu recogemento di sushi. E tipo di belasting aki ta masha comun na diferente gemeente di Hulanda. E ley cu lo haci e cobranza aki posibel ta data di año 2005. Serlimar ta un compania cu a pasa den diferente temporada difícil, hasta di mal maneho. E situacion aki a pone cu na cierto momento e trahadornan no por a brinda un servicio optimal manera cu nan mes lo a desea na duna Pueblo. Imaginabo cu hasta un ex - colega bibando na Hulanda, lo mester a manda un caha di handschoen pa su coleganan na Aruba. Ki tristeza! E ley di 2005 lo mester a yuda Serlimar na drecha su situacion, ademas di pone e organizacion den e direccion di bira menos dependiente di gobierno. Den pasado na momento di a introduci e ley, a propone un suma di 10 Florin pa recohe sushi. E tempo ey esnan den oposicion y cu awe ta den gobierno, a para firme y grita "Over nos dead body lo bay cobra e comunidad esaki!" Awe ta nan mes ta "eerste in de rij" pa pasa Pueblo un cliste. A raiz di e situacion entorno e servicio di Serlimar di e tempo ey, un comerciante local a dicidi di cuminsa cu un compania di recogemento di sushi



y reciclahe. Awendia e negoshi ta existi pa hopi año. Lamentabel di e introduccion di e belasting di 25 Florin ta, cu e comunidad ta wordo forza na paga pa un servicio mientras cu tin ciudadano cu ta haciendo uso di servicionan di otro compania cu no ta Serlimar. Gobierno di e manera aki ta ataca nos mesun hendenan, pasobra no tin sentido pa paga pa 2 servicio. Aki na Aruba e competencia mas grandi di Serlimar ta Ecotech. Ademas di Ecotech tin Johnson's Enterprises tambe, pero e compania aki su focus operacional ta mas riba e area comercial y industrial. Un pregunta importante ta sobra awor: "Ki sentido tin pa e ciudadano paga por ehempel Ecotech 35 florin, si e ta OBLIGA na paga 25 Florin pa Serlimar haci e mesun trabao?" Definitivamente esaki no ta e manera pa anda ni cu comercio, ni tampoco nos comunidad di Aruba. Bo ta tende cu constantemente ta propaganda un maneho sostenibel y awor ta resulta cu companianan pionero den e area aki, ta haya planazo di

gobierno! E acto aki di introduci un belasting sin midi su consecuencia ta kibrando un y tur en especial companianan local. Esaki ta e tipo di temanan cu mester debati riba dje na bienestar di Aruba. Envez di pone enfasis riba stimula competencia sano entre companianan y e servicio cu nan ta ofrece, ta implementa un cobranza obligatorio cu ta kibra companianan local. Na final e 25 florin aki lo no ta un garantia cu Pueblo lo haya un mihor servicio den e area di recoge sushi".

Na final Parlamentario Besaril a informa cu masha dia fraccion di MEP a pidi un reunion den Parlamento pa por debati extensivamente riba e tema aki. Pa tristo cu e por zona, te cu e dia di awe e peticion aki no a wordo honra. "Hecho ta, cu e maneho descabeya di parti di Gabinete Mike Eman ta sigui na orden di dial Y mane cu cos ta pinta, Pueblo lo haña cu un medida mas pa biba cune entrante Juli próximo, Y AINDA FALTA! Parlamentario Besaril a finaliza e entrevista.

Dos hobencito a pone nan bida na peliger na momento cu nan a subi riba tanki na Valero



Diabierna anochi algo pasa di 8'or, Polis y Brandweer a bay cu urgencia na subida di Lago Heights. Na e sitio nan a papia cu un señora cu ta conta cu el'a waak algun hobencito ariba e tankinan. Nan tabata grita. E area aki ta caminda e trucknan di Valero ta fuel. Polis mesora a bay den accion, mirando e peliger. Polis a waak nan na prome instante pero nan a sconde. E ora ey Polis a usa luidspreker

pa comunica cu nan y convence nan pa baha. Momento cu nan a baha, nan a haya un scual cu nunca mas nan lo lubida. Algo asina aki ta sumamente peligroso y ni e security nan eyriba no tabata na altura cu nan a subi e tereno y bay ariba e tanki. Danki na e señora atento cu ta biba den vecindario cu a avisa autoridad prome cu algo pior a pasa. E mayornan mester papia hopi serio cu e muchanan aki.

Toyota Tercel a cay den Rooi na Santa Marta



Diadabra madruga den careda di 1:30 Polis di Sta. Cruz a bay Santa Marta. Na altura di e rooi, nan a bin topa un Tercel corra di banda den e rooi. Pa un of

otro motibo e chauffeur a baha caminda y cay den e rooi. Takelwagen priva a presenta pa asina saca e auto.

Feria pa mucha na Scol Preparatorio Washington



Scol Preparatorio Washington kier a invita tur mayor pa trece na yiunan dia 29 di Mei proximona e Feria cu Scol Preparatorio Washington conhuntamente cu Comision di Mayor ta organizando. E feria tin como meta pa recaudo fondo cu ta pa traha afdak banda pariba di e school pa asina e

muchanan di school tin lugar pa sconde pa solo ora di hunga pafor. Tur cos cu lo recauda, ta bay pa traha e afdak aki. Feria lo conta cu diferente wega manera, bula den saco, tira bleki, dunk tank. Ta bay tin artworkshop pa e muchanan, facepainting, cabay pa e muchanan y tambe un trein pa mucha.

Sin lubida Cotton Candy pa pasa boca, un bar y cushina pa deleita nos bishitantenan cu cos di come y bebe. Entrada ta gratis y e orario lo ta 10:00 am - 4:00 pm. Scol Preparatorio Washington ta invita tur mucha di tur bario y muy en especial nos muchanan di dushi bario di Noord pa asisti na Feria.



Lider di MEP, mr. Evelyn Wever – Croes:

Aña escolar ta cabando y ainda no tin solucion pa e problemanan

School na Noord – Colegio Cristo Rey – Colegio San Antonio - Arco Iris - Frere Bonifacius - – Mon Plaisir

Durante conferencia di prensa di MEP lider di MEP, mr. Evelyn Wever-Croes a expresa su preocupacion pa cu e falta di atencion pa enseñanza. Aa escolar ta cabando y ainda nada a cambia. Apesar cu tur cos tabata cla caba na 2009 pa construi e school MAVO/HAVO/VWO na Noord, te dia di awe no a cuminsa cu e school na Noord. Mientras tanto e gobierno di AVP a coy tur e placa cu tabata tin destina pa e school y hink'e den un tram, cu ta un proyecto fracasa. Awe nos no tin ni un school ni un proyecto di embeyecimento di Caya Betico Croes cu ta cla. Aparte di esaki tin masha hopi problema den enseñanza mes. E aña escolar 2013/2014 ta cabando y nunca antes cosnan tabata asina bruha den enseñanza. Colegio Cristo Rey, un proyecto cu a sufri masha hopi tardanza mes. Y ainda no tin bista ki dia e ta keda cla. Minister Hooijboer-Winklaar no por a cumpli cu su palabra duna na Parlamento cu na April e school lo a muda. Colegio San Antonio tin un aña caba cu nan a muda y tampoco a cuminsa haci trabao ainda. Muchanan ta haya les y docentenan mester duna les bao circunstancianan hopi hopi malo mes. Pero gobierno no ta pone atencion. Colegio Frere Bonifacius ya ta cumpli 2 aña cu a muda e muchanan pa Burumbundu, pero te dia di awe no a ni cuminsa cu e trabaonan. Mon Plaisir Basisschool y Kleuterschool tampoco ainda no por muda pa bay bek, sin cu ta conoci ta pakico tanto tardanza.



Arco Iris Kleuterschool ta hinca den un Shopping mall di famia di minister, pero aki tampoco no ta haciendo ningun trabao na e schoolnan. Mientras tanto gobierno ta paga masha hopi placa mes na huur di diferente edificio, en vez di cuminsa traha na drecha e schoolnan aki. Tin placa si pa traha cantidad di caminda nobo, manera Green Corridor, ringweg, centronan multifuncional, pero no tin placa pa drecha scolnan? Of acaso ta voluntad e gobierno aki no tin pa drecha schoolnan?

ADMISION PA HAVO: Otro problema serio ta e cantidad limita di alumnonan cu ta wordo permiti pa sigui un estudio secundario avanza manera HAVO of VWO. Esaki pasobra no tin suficiente lugar y pasobra e normanan di admision ta pone cu e gran mayoria di alumnonan di zesde klas no ta haal e test. Kico ta e problema? En vez di hinca asina tanto miyones

den companianan pa haci propaganda y pa skirbi press release pa e minister, dicon no ta haci un investigacion kico e problema real ta?

Gobierno ta hinca miles y miles di florin den Rietveld Academie y awor den un Scheepvaartschool, estudio pa capitán di barco, pa studiantenan di exterior bin studia un tempo na Aruba. Esaki ta bunita, pero ki hubo di nos mesun muchanan? Ki kubo nos hinca e miles di florin ey pa brinda nos mesun muchanan un mihor nivel di enseñanza? Cuanto placa ta bay den Rietveld y awor e estudio pa capitán y dicon e placa ey no por bay den enseñanza di NOS muchanan? Nos pais ta pasando den e pior crisis cu nos a yega di conoce. Un crisis traha pa AVP cu decisionnan equiboca desde cu nan a sinta, cu a aumenta nos MEGA DEBE na nivelnan nunca antes visto. Y ta pesey nos enseñanza a wordo negligisha.

Pa MEP enseñanza tin prioridad halto contrario na e gobierno aki cu a kita tur placa di enseñanza y a hink'e den proyectonan cu ta blink e wowo, mientras ta stroba nos muchanan bay padilanti. "Nos ta kere den amplia e posibilidadnan pa nos mesun hobennan sigui desaroya, pero prome mester duna nan un base amplio. Nos ta convenci cu nos hobennan merece mihor. Nos hobennan merece un nivel digno di enseñanza. Y ami lo sigui traha pa esaki wordo realiza", lider di MEP, Evelyn Wever-Croes a duna di conoce.

Polisnan a salba homber cu a drief bay pafor

Polisnan diasabra 20.07, durante patruya, a wordo yama pa un grupo di persona na altura di un cas na L.G. Smith Blvd. Nan a bisa Polisnan cu tin un persona ta drief y tin mester di ayudo. E testigo a bisa cu e homber lo a pega soño riba e floater y a drief bay afor. Ora cu Polisnan a fluit e homber riba lama, e homber riba e float a fluit bek. Door di esey, un di e Polisnan a keda canto y e otro bay busca un boto priva, como cu nan sa cu na e momento ey, e botonan cu ta pafor ta wordo treci paden y lo por duna ayudo pa trece e homber for di lama. Polis a keda den contacto cu Central y e otro patruya a bay Hadicurari pa bay na e lugar unda el'a mira e victima pa ultimo biaha. Ora cu Polisnan a yega cerca di e lugar, nan a cuminsa grita y fluit. Despues di un rato, nan a haya reaccion cu tin un boto cerca. Algun momento despues, Polisnan a mira e homber ta drief riba e float y despues a wordo poni riba boto. Hunto cu Kustwacht, Polisnan a bay canto y e victima na Moomba a reuni bek cu su famia.

Cas den Caya Soeur Meletia a haya bishita di ladron

Asistencia di Polis a wordo pidi diasabra pa 1.42, na un cas den Caya Soeur Meletia pa un ladronia. E muher C.R. a bisa cu el'a cera su cas bon na yabi y a lagu'e intacto. Mas o menos 1.15 ora cu el'a bolbe, el'a mira cu desconocirnan a bay cu algun articulo for di su kamber.




SPECIAL SPECIAL SPECIAL

Any Blow dry pa solamente Afl 35.00

**Men's haircut pa Afl 20.00
Ladies hair cut pa Afl 25.00**

Ricibi un banjo di crema completamente gratis cu cualkier servicio.

Y puntra pa nos pakete special pa prome Santa Comunion



Dama bao influencia ta dal patras di dos brommer y lastra nan algun meter



Diasabra madrug a un accidente serio a sosode ariba e caminda di Palm Beach, un poco pariba di Sextacy. Polisnan y ambulance a wordo dirigi mesora pa e sitio, mirando cu tabata trata di un accidente entre auto cu brommer. E dama aki biniendo di pariba y bayendo direccion luznan di trafico a dal tras di e Hayabusa y lastr'e y a sigui bin dal e otro brommer Kee Way. Ambos manehador a keda herida. E dama chauffeur despues cu Polis a papia cune, nan a constata cu e ta bao influencia. E chauffeur a keda deteni mesora. Dos Ambulance a presenta na e sitio y a transporta ambos manehador pa hospital.



MADURO HEAVY EQUIPMENT N.V.


Santo pa Basha, Santo pa Pleister,
Crushed Sand, Piedra, Tera pa

Mata, Graniet. Tambe nos ta
Rosa Tereno, Coba Pos y
Fundeshi.

ROOI BOSAL 49

TEL.: 585-1708

FAX.: 585-6299



1st week: Detox your body with HealthWise.

Receive a Foot detox and Foot reflexology

2nd week: Very Low Calorie Diet to burn fat.

Cavitation + Detoxifying Body wrap + RBV Power Vibe

3rd week Low Calorie Diet to get into your refeeding phase.

Cavitation + Anti Cellulite Body wrap + RBV Power Vibe

4th Week Low Calorie Diet to get into the maintenance phase.

Cavitation + Slimming Body wrap + RBV Power Vibe

Now unlimited Power Vibe training.

Richelle

Santa Cruz 111-B

Beauty

5851071 * 5851073 * 5942758

Vision

www.beauty-vision.net

info@beauty-vision.net

Plan includes:
Protein Products for 30 days!
3 Lipo Cavitation treatments
3 RBV Special Body Wraps

All 558,25
INCL. BBO

Polis controlando dilanti di Circle K y vecindario



Diasabra madruga por a waak varios unidad di Polis dilanti Circle K na Playa. Motibo ta e molester di esnan cu ta keda colga rond eybanda y molestia tur hende cu yega. Polis mester a bay varios biaha tras di otro,

mirando cu e persona nan cu ta eybanda ta bay un rato y manera Polis move ta bin bek y sigui haci nan baina nan. Polis a parti boet pa algun persona na e sitio. E area aki ta un area cu autoridad tin bastante problema cu ne.

Parlamentario di MEP, sr. Guillfred Besaril:

"KIA keto bay den noticia pa motibo di negligencia di gobierno"

Durante e conferencia di prensa di Diabierna ultimo, parlamentario sr. Guillfred Besaril a elabora riba e incidente y situacion actual na KIA. "Aruba a wordo sacudi pa dos incidente masha particular na KIA. Prome cu e huida di 2 preso sumamente peligroso, sigui un paar di dia despues cu 80 preso cu a dicidi di para pa loke nan ta pensa cu ta nan derecho. Segun informacion e situacion cu e 80 presona tabata uno hopi delicado, cu na cierto momento a hasta bay for di man caminda tabata candela y destruccion. Situacion na KIA escala di tal forma cu presencia di tanto polis como di marina real tabata necesario pa domina e situacion y restablece e orden den e institucion. Di mi banda mi a gradici e agentenan di cuerpo policial y tambe e militarnan di marina real cu a bay KIA pa duna un man y restablece ordo. Apesar di ta gradecido, e siman tras di lomba aki, ta yama nos na reflexona riba e sucedidonan aki en especial KIA como institucion. Nos a nota cu ciudadano Minister di Husticia a core expresa den prensa cu el'a acerca FDA payegana e fondonan necesario pa traha un instituto coreccional nobo. Loke e ministro no a menciona ta, cu for di 2007 tabata tin un comision cu a saca un rapport (CPT), den cual a recomenda gobierno pa lo mas pronto posibel mehora diferente aspecto den e instituto coreccional. Despues di 2007 a bin un follow up den 2009 y 2011. Pues na momento cu a bin e follow ups, e Minister di Husticia actual tabata carga e responsabilidad caba pa cu KIA. Poco a wordo haci cu e recomendacionan di e comision y awe nos ta



piki e fruto di esaki. Na 2013 e comision a bolbe saca un rapport (CPT 2013) cu un resultado bastante negativo pa gobierno, p'esey a opta na no bisa nada di e rapport aki durante e temporada di eleccion. Na November 2013 mi a señala caba riba e puntonan di atencion di e rapport CPT di 2013, pero e Minister a scoge na defende su maneho y a tilda nos Fraccion di ta pro e presonan, lubidando cu no ta preso so tin den KIA. E personal tambe ta sufri e consecuencianan di no haci caso di e recomendacionnan. Gabinete Mike Eman a scoge pa inverti grandemente den infraestructura, asphalt klinkers y tram, envez di bin cu un maneho balanza, caminda ta pone mas atencion na otro area nan di gobernacion. Ta di lamenta cu awe Aruba tin un Minister di Husticia cu no a sa di pone pia abao y exige mas pa husticia y seguridad di nos comunidad. Awe Pueblo di Aruba ta realiza con fragil nos seguridad ta. Dos preso sumamente peligroso a practicamente cana sali di KIA, poniendo e habitantenan di De Vuyst y vecindario den peligro serio pa motibo cu entre otro no tabata tin e personal necesario pa

evita e situacion aki.

Nos Fraccion den Parlamento ta lamenta profundamente cu cosnan mester a yega extremo aki pa Pueblo por realiza e debacle actual den Husticia. A tarda demasiado pa ehecuta recomendacionnan cardinal haci den e rapport di CPT. E incidente di diarazon ultimo, caminda presonan a rebeldia y hasta pega corchonan na candela, ta haci nos preocupacion pa cu e situacion na KIA y su personal, mas grandi. Vooral sinostene cuenta cu presencia di no solamente miembronan di Cuerpo Policial, pero hasta di Marina Real (cu ta un "ultimum remedium") pa re - establece ordo na KIA. Pueblo mag di conclui cu e situacion mester por tabata uno basta "Out of Control" na KIA! Nos fraccion ta urgi e Minister di Husticia pa cumpli cu Pueblo y haci algo rápido cu KIA. De lo contrario e saca su conclusion prome cu algo pior tuma lugar! Mi ta carga e speranza cu autoridad por logra captura e fugitivanan. Nos comunidad ta boga pa e seguridad cu semper nan a custuma na dje y Minister mester duna Pueblo e oido necesario". Parlamentario Besaril a termina.

Ira y Ayra Kip, fundadornan di Art Rules, nomina como Perlana di e Caribe Hulandes



Siman pasa e premionan di Perla di Caribe Hulandes a anuncia 35 nominado na Hulanda, den diferente categoria cu ta celebra y reconoce e trabao di varios organizacion y ser individual cu ta ehemplen positivo denter di e comunidad Caribense Hulandes. Nominadonan a wordo nota segun votonan publico y a wordo selecta pa un cuerpo di hurado, kendenan a nomina Ira y Ayra Kip den e categoria di Arte & Literatura pa nan trabao excelente cu nan fundacion di Pancake Gallery, y como fundadornan di e programa educacional di arte internacional, Art Rules. Organizadornan di e DC Perlana, tambe conoci como OCEAN (Overleg Orgaan Caribbische Nederlanders) ta e conseheronan operacional oficial di e Gobierno Hulandes y su ministerionan. Desde 2012, e organizacion, den colaboracion cu e ciudad di Rotterdam, ta reconociendo y promoviendo e logronan di hende y negoshi cu sea ta haci trabao cu ta un ehempel positivo, of ta dedica na e mehoracion di e comunidad Caribense Hulandes, tanto na Hulanda como na tur seis isla den e Caribe Hulandes. Riba dia 22 di Mei, Ira y Ayra a ricibi un carta oficial declarando cu nan a wordo nomina pa e premio, y invitando nan pa e gala y show principal di premiacion riba dia 14 di Juni, cu e alcalde di Rotterdam.

E rumannan morochu a saca un declaracion,

expresando nan honor pa cu e nominacion, y nan alegria cu loke nan a yama un nominacion inespera. Actualmente trahando duro y completamente dedica na e pre-produccion di e celebracion di 5 aña di Art Rules Aruba y lanzamiento di Art Rules Curaçao, Ira y Ayra ta trahando constantemente pa lanza tur dos proyecto. E ultimo 5 añanan aki tabata sumamente intensivo pa nos. Nos a sacrifica hopi pa realiza nos metanan y mester a pasa door di hopi bataya keto pa haci tur cos posibel. Ta tremendo pa waak con, aunke cu niun hende ta mira e lucha, nan ta reconoce e resultado. Ira y Ayra tambe a splica cu nan ta contento pa tuma un momento pa disfruta di e frutanan di nan labor, mandando un danki grandi tambe na tur esnan cu a sostene nan. Ademas di nan nominacion den categorianan specifico, Ira y Ayra tambe ta nomina pa e premio di "Perla Mas Sobresaliente". E premio aki ta reconocemento di e premio di Miho Perla di 2013/2014 y e publico ta invita pa vota pa e ganador. Pa vota pa Ira y Ayra, bishita <http://www.dcppearls.nl/> y pa mas informacion tocante e programa di arte di Art Rules, bishita nan websitenan y paginanan social na <http://www.artrulesaruba.com> y <http://www.artrulescuracao.com> facebook @artrulesaruba @artrulescuracao twitter @artrulesU

Ladronnan ta disparce for di cas

Polisnan a bay diasabra 09.56, na un cas na Mabon, na unda e homber R. ta duna keho di ladroncia. E ta bisa cu ladronnan a kita e wayanan di e schuifraam y a drenta paden. Nan a bay cu television di 42 inch na balor di 4000 florin. Esaki a tuma lugar entre 23 di Mei 23.00 y mainta prome cu 7.30. Polis a tuma e keho.

Un biaha mas turista a keda horta den su cas di vacacion

Asistencia di Polis a wordo pidi diasabra 10.32, na un cas na Palm Beach pa un kiebrot. Polis a papia cu e turista T.J.D. kende ta cu vakantie. El'a bisa cu mas o menos 12:30, el'a bay drumi y a laga tur caminda bon cera. Mainta 10:30, el'a constata cu desconocirnan a drenta den e cas y a bay cu algun articulo di coriente y tambe nana bay cu e yabi di auto y a horta e auto bay cune. Ta trata di un Toyota Yaris V-4687. Polis a tuma e keho.

MAY 28

HEMELVAARTSDAG FEEST

LADIES NIGHT

Zeta Band, Tst Band, Dj Alvin

CLUB TRAPPERS
 FULL AIRCO
 Y SECURITY PA CUIDA BO AUTO
 DOORS OPEN @ 9PM
 LADIES FREE ALL NIGHT

TST BAND

CABALLERO TA PAGA 10 FLORIN

Minister Michelle Hooyboer:

Aruba no por tabata tin un mihor team pa KYP Hobennan a debati riba nivel halto



Mi no por caba di gaba e grupo aki, pa nan dedicacion, nan entusiasmo y nan forma profesional di debati y defende nomber di Aruba", asina Minister Michelle Hooyboer-Winklaar a bisa dialuna mainta, hunto cu e nueve miembronan di TEAM ARUBA cu a representa nos isla den Kingdom Youth Parliament na Sint Maarten. Nurianne Helder a regresa cas cu e premio di "Best Speech" mientras cu e ekipo completo a laga un bon impresion atras. Relaciona cu celebracion di 200 aña di Reino Hulandes, a organiza diferente evento. Un di nan tabata un debate den "Kingdom Youth Parliament", cu a conta cu 50 hoben representando tur e paisnan for di Reino Hulandes. E prome evento a tuma lugar siman pasa na Sint Maarten. Aki na Aruba a habri posibilidad pa hobennan entre 15 y 23 aña, cu mester a entrega un video di 2 minuut, den cual nan mester a conta kico 200 aña di Reino Hulandes ta significa pa nan. For di tur e videonan cu a drenta, a scoge 9 hoben y tambe e capitan di team cu tabata Marifer Aguirre cu ta studiando na Hulanda. Parlamento Hubenil di Aruba a aporta grandemente na e evento aki, door di a facilita diferente tayer pa e participantenan por a custuma cu e idea di debati y tene nan mes na protocol di reunionnan. Tambe a organiza diferente encuentro cu expertonan riba temanan

specifico pa por a prepara e hobennan mihor posibel. Despues di lunanan di preparacion, TEAM ARUBA a sali pa Sint Maarten, compaña pa nan coach, Minister Michelle Hooyboer-Winklaar. "E hobennan aki a representa Aruba na un manera hopi profesional, cu hopi entusiasmo. Mi ta kere cu no por tabata tin un mihor team", asina Minister Michelle Hooyboer-Winklaar a enfatiza durante e conferencia di prensa. E tabata un siman hopi fructifero y exitoso, na opinion di e mandatario. "Si nos mira kico a sosode durante e siman, kico a sosode pa reenforza Reino Hulandes, cuminsando cu locual nos ta considera nos futuro, esta nos hobennan". Di otro banda, Minister Hooyboer ta masha orguyoso cu for di e debatenan na Sint Maarten a sali un vision concreto pa con hobennan por sigui traha y desaroya Reino Hulandes. Tambe kico hobennan por haci pa sigura cu Reino

Hulandes lo existi 200 aña mas. Na final, Minister Michelle Hooyboer-Winklaar a aclaria cu cada un di e hobennan a sa di logra exito individual na varios ocasion durante e viahe. Claro cu como un team esey ta importante, pero pa nan mes individualmente nan a ricibi hopi reconocimiento pa nan presentacionnan, pa e forma con nan a bisti y pa nan entusiasmo demostra durante cada momento di e bishita na Sint Maarten. A acorda cu e siguiente Kingdom Youth Parliament lo tuma lugar na Aruba mes, na aña 2017. Dialuna mainta Minister Michelle Hooyboer-Winklaar a entrega cada un di e participantenan un certificado di participacion y un foto pa asina nan corda e momento inolvidabel den nan bida, tanto pa e evento mes, pa nan participacion, pa nan encuentro priva cu S.A.R. Prinses Beatrix y pa a representa nan pais dignamente.



Minister Paul Croes:

Pabien Lady Olaf Baden Powell Scouts cu boso 10 aña di celebracion



Diadomingo 25 di Mei grupo di Padvindsters Lady Olaf Baden Powell Group di Pos Chikito, a celebra 10 aña di existencia. Un grupo di mucha muhernan hoben cu ta ricibi un base di formacion bao di guia di Lidernan scout voluntario cu pa añanan largo ta dedica nan tempo na e grupo di mucha muhernan aki. Sra Lourdes Emerenciana "Lula" ta wordo yama LIEBE pa e grupo door cu e ta "lief en bereid". E ta president di A.P.G Aruba y tambe lider mayor di Meisjes Gilde, Pos Chikito, Lady Olaf Baden Powell Group. E grupo tin hopi meta nan dilanti y tin gran satisfaccion di mira con e hobenan aki ta pone dedicacion na loke nan ta siña pa progreso di nan mes y nan pais Aruba. Ta importante pa sa con pa atende cu hende, conoce bo cultura y naturaleza. Forma Lidernan den comunidad cu por guia principalmente hobenan den un forma positivo ta e meta principal di e grupo. Durante di e mainta aki algun di e hobenan a wordo instala di un rango pa otro pa sra. Anneline Tromp – Diaz, cu a yuda masha hopi den e formacion di e grupo aki na Pos Chikito. Durante e mainta aki por a mira e orguyo, den e cara di e mucha muhernan aki. Minister di Asuntonan Social, Hubentud y Labor drs. Paul Croes tabata invitado na e ocasion aki y a hiba palabra y a felicita e grupo "Lady Olaf Baden Powell", specialmente e lidernan di e gruponan cu voluntariamente ta dedica nan tempo liber na educa y guia e mucha muhernan aki. Un tarea cu ta wordo haci banda

di e educadornan na school y mayornan na cas. Mas ainda Minister a felicita e hobenan cu envez di keda cas of escohe pa sali cu amiganan a dicidi pa bin hunto den grupo un vez pa siman, pa asina amplia nan conocimiento y yuda den formacion di nan mesun karakter y asina bira lidernan den nos comunidad. Minister drs. Paul Croes a recorda e dicho; "It takes a community to raise a child", y esaki ta exactamente e bibo ehempel loke e lidernan aki ta haci pa nos comunidad. Tur diasabra, lidernan di meisjes - gilde ta yuda guia e hobennan, cu no ta nan yiunan, pero ta haci'e mesun cos cu ta di nan apoyando asina e mayornan y organizacionnan. Bunita pa mira con e lidernan voluntarionan aki, ta yuda den formacion pa nos tin Lidernan den nos comunidad, unda cu for di chikito nan ta inculca liderazgo y diciplina den nos muchanan. Minister a felicita e grupo, lider y mayornan y tambe e bario di Pos Chikito. Parlamentario sra. mr. Desiree Croes tambe a sinti'e orguyoso di su bario di Pos Chikito cu manera el'a bisa a crece cu hopi cu habitantenan nobo y mester traha duro pa asina trece tur hunto manera cu ya caba Gobierno ta haciendo cu e proyecto Bo Bario. Laga tur hende sia conoce otro y mira con mas por yuda den Pos Chikito pa formacion di nos hobennan. Parlamentaria Desiree Croes tambe a felicita e grupo di Padvindsters Lady Olaf Baden Powell y a deseanan exito cu hopi 10 aña mas.

InselAir ta cuminsa cu vuelonan semanal pa La Romana

Vuelo non stòp di Corsou pa La Romana (Punta Cana) cuminsando 7 di Juli, 2014

Curacao - La Romana				
Día	Salida for di Corsou	Yegada La Romana	Salida for di La Romana	Yegada Corsou
Djaluna	10:45 AM	12:05 PM	13:05	14:25
Bonaire - La Romana (1 stop)				
Día	Salida for di Bonaire	Yegada La Romana	Salida for di La Romana	Yegada Bonaire
Djaluna	07:55 AM	12:05 PM	13:05	16:15
Aruba - La Romana (1 stop)				
Día	Salida for di Aruba	Yegada La Romana	Salida for di La Romana	Yegada Aruba
Djaluna	08:25 AM	12:05 PM	13:05	16:15



NEW DESTINATION



WEEKLY FLIGHTS
STARTING
JULY 7TH, 2014
MONDAYS

INTRODUCTION FARE

AWG 529

LA ROMANA

Dominican Republic

InselAir lo cuminsá cu vuelonan semanal saliendo for di Corsou pa La Romana (Punta Cana) cuminsando dia 7 di Juli 2014. Ticket pa e destinacion nobo aki ta obtenibel na tur oficina di venta di InselAir, na agencianan di viahe y via fly-inselair.com. La Romana ta e di 20 destinacion di InselAir y e di dos destinacionan den República Dominicana. Pasaheronan cu ta bini di otro destinacionan manera Aruba y Bonaire, por viaha fácilmente pa La Romana via Corsou cu tempo minimo di traslado. La Romana tin hopi pa ofrece: La Romana, cu ta localizá den parti zuidwèst di República Dominicana, tin hopi pa ofrece na su bishitantenan. E cancha di gòlf number 1 den Caribe

yama 'Teeth of the Dog' cu ta situá den e prestigioso resort 'Casa de Campo'. E awanan cristalino ta ideal pa buseo unda por explorá 'Guadalupe Underwater Museum' y 'Cara Merchant Shipwreck'. E aeropuerto ta localiza na parti nortost di e ciudad cual ta duna acceso fácil na tur resort di La Romana, Punta Cana y otro lugarnan di interes manera e bunita 'Parque Nacional Del Este'. Méno cu 1 ora for di Punta Cana: Punta Cana, cu ta conocí pa su playanan precioso, tremendo nightlife, canchanan di gòlf profesional y su ambiente romántico, ta localiza aproximadamente 1 ora (80km) for di La Romana. Cu 35.000 kamber di hotèl cu ta varia di hotèl luho te cu boutique hotels. Punta Cana ta e lugar

perfecto pa pasa un weekend di divertision, un vakantie cu famia òf un estadia romántico. InselAir ta hibabo tur dialuna den 80 minuut, non stòp te La Romana. Tarifa di introduccion: Te cu 30 di September 2014, InselAir ta ofrece tarifa nan di introduccion* pa su destinacion nobo. Saliendo for di Corsou, ANG 417 (round trip, excluyendo impuesto di aeropuerto di Corsou), for di Bonaire, USD 268 (incluyendo impuesto) y for di Aruba AWG 529 (incluyendo impuesto). Vuelonan lo wòrdo ópera segun siguiente schema di vuelo (tur ora ta local). Periodo di viahe ta di 7 di Juli pa 30 di September, 2014.

*estadia mínimo di 1 siman

Presentacion di buki nobo di sr. Roland Peterson



Biblioteca Nacional Aruba conhuntamente cu sr. Roland Peterson ta preparando un bunita programa pa presenta e obra nobo di sr. Peterson, titula "Silent Emotions 2". E presentacion ta tuma lugar diamars awor 27 di Mei den e jardin di Departamento Arubiana/Caribiana na Bachstraat 5, Oranjestad. E programa ta di 7'or pa 9'or di anochi. Roland W. Peterson a publica su prome buki na aña 2003, "Nos fabula: tres fabula Arubano pa mucha", storianan pa mucha na Papiamentu. Den e añanan siguiente el a publica diferente buki pa mucha pa asina encurasha lesamento cerca muchanan, e.o. "Tres storia Rubiano" y "Ratoni". Ultimo añanan

regularmente ta sali den nos corantnan local pensamentonan di sr. Peterson den forma di poesia y storianan cortico, pensamentonan cu ta trata temanan cerca di su curazon. Na aña 2005 el a publica un compilacion di e pensamiento y sentimentonan aki den e buki titula "Silent Emotions : Soulful Thoughts of an Aruban Author". Diamars awor ta presenta e di dos compilacion cu a haya e titulo "Silent Emotions 2". E buki ta consisti di poema y storia cortico na Ingles y Papiamentu. Un y tur ta invita pa asisti na e anochi special aki pa haci conoci cu un bunita obra nobo riba mercado di un autor local.

Parlamentario di MEP, sr. Chris Romero:

Tiramento di pisca mester wordo regula

Durante e mision comercial na St. Maarten nos tabata tin e oportunidad di bishita Saba. Na Saba nos a presencia un reunion cu a trata temanan entre otro zonificacion di pesca pero tambe e asunto di tiramento di pisca cual ta un topico interesante tambe pa Aruba pasobra hopi piscador tin atencion pa cu esaki. E tiramento di pisca ta wordo regula door di Marine Park Saba. Na promer lugar a resalta cu no ta cualkier persona por tira pisca den zona di Saba. Un di rekisitonan ta cu por ehempel bo mester ta naci na Saba pa por tira pisca eynan. Ademas di esaki ta reglamenta tambe e profundidad maximo y minimo cu lo por efectua e tiramento. Tambe tin cierto areanan ta solamente destina pa dive y eynan ta completamente prohibi pa tira pisca. Un otro regla ta cu cierto grandura di pisca no mag wordo tira,



preferibel ta di no tira piscanan grandi cu ta biba den e coralan. E motibo pa cu esaki ta pa percura cu e crecimiento di pisca ta uno sostenibel y tambe ta wanta e daño cu lion fish ta ocasionando na un minimo. Un otro punto cu a wordo discuti ta cu si berdaderamente tiramento di pisca ta ocasiona dañonan grandi na nos coralan. Nos por a conclui cu tiramento di pisca ta haci hopi menos daño cu si bo compare cu tiramento

di anker ora un boto kier pisca den awanan seco. Nos di partido MEP ta kere cu nos por regula cu cierto areanan rond di Aruba lo por tira pisca. Mester enfatisa cu hopi persona ta biba di piscamento y cu ta pasando den temponan dificil y pa e motibo aki ta importante pa medio di un ley por regla esaki. Ta importante pa esnan cu ta sostene nan famia pa medio di e ley aki por tin un alivio y por tira pisca sin cu tin consecuencia pa nan.



Aruba ta BANCAROTA!

Plan Vacacional Playa Pabao 2014


Directiva di Centro di Bario Playa Pabao ta anuncia cu e aña aki atrobe nan ta organiza nan "plan vacacional". E actividad aki ta cuminsa dialuna 7 di Juli y ta termina diabierna 18 di Juli cu un "show di talento" pa henter famia. E programa ta consisti di weganan recreativo tanto paden como pafor, bistita na Parke Arikok, mainta di cine, Community Pool y diabierna 18 di Juli lo ta e ultimo dia di e programa. Naturalmente por bin cambio ainda den e programa. Mayornan por inscribi nan yiu na Centro di Bario Playa Pabao tur dia, mainta di 9'or pa 12'or y atardi di 3'or pa 6'or. Lo cobra e suma di 100 florin (pa dos siman) pa mucha. No ta permiti pa paga 50 florin pa un siman. E suma di 100 florin ta encera tur cos. Tur mainta 9.30'or e muchanan ta

recibi un sandwich y juice. E actividad aki ta pa muchanan di 4 aña pa 12 aña. Pa motibo organizatorio e ultimo dia pa inscribi ta diabierna 4 di Juli. Directiva di Centro di Bario Playa Pabao ta recorda mayornan pa inscribi nan yiu na tempo pa asina evita cu nan yiu mester bay riba lista di "espera". Un informacion importante ta cu portanan durante nos "plan vacacional" ta habri mainta 8'or y pa 12.00 pm mayornan mester bin busca nan yiu. Directiva di Centro di Bario Playa Pabao ta desea nos muchanan di Playa Pabao y di Aruba en general un dushi vakantie. Pa mas informacion por yama Centro di Bario Playa Pabao, telefon 583-7775, tray merdia di 3'or pa 6'or y Shayen gustosamente lo dunabo tur informacion.

Persona no tabata duna señal di bida na Turibana




Diadomingo mainta den careda di 6:30 Ambulance y Polis a bay un cas na Turibana. Aki un persona di probablemente 33 aña no tabata duna señal di bida. Informacion cu nos tin ta bisa cu e lo por tabata tin basta rato cu el'a fayece. Departamento tecnico y Dokter a wordo solicita. Segun nos tin entendi aparentemente e curpa a wordo tuma den beslag.



Drs. Shailiny Tromp Lee di MEP:

Den caso di Westin Resort: Gobierno ta sigui laga e clase trahador na caya!



Recientemente Westin Hotel, bao di e capa di a ser tuma over pa doñonan nobo, a logra un strategia di ofrece pakete na trahadornan pa termina nan relacion di trabao, y asina cuminsa cu renobacion di e hotel. Esaki como si fuera cu e hotel no lo mester trahador pa traha una vez cu nan ta operacional atrobe. Segun nan propio informacion, nan lo a cera e hotel pa 10 luna y tin bisa cu mayoria trahador cu a tuma pakete a haya alrededor di 1 aña di salario. Awor, ken a tuma ken haci? Si bo por a ofrece e pakete aki (pagando 1 aña di salario), bo por a tene e trahadornan na pia di trabao (pa 10 luna) toch y asina cumpli cu ley di 'overname bedrijven', costando menos placa tambe. Lamentablemente AVP (Gobierno) no a cumpli cu nan promesa di durante

campaña cu nada lo pasa cu e trahadornan. Tambe Gobierno a laga un chens pasa bay pa pone na prueba su propio ley cu el'a introduci pa waak si enberdad su ley ta ofrece e proteccion cu a keda bendi na pueblo trahador na momento di introduccion di e ley 'overname bedrijven' cu tanto a pronkia cune den prensa. E meta di Westin, a keda cumpli. Nan a logra cu un cantidad grandi a firma pa e pakete, kedando sin trabao, perdiendo nan añanan di servicio, y dado caso nan solicita den futuro ey mes bek, esaki lo ta pa un salario stipula pa e doño nobo (casi sigur mas abao) y cu menos beneficio secundario pa e trahador. Lamentablemente e drama no a keda te aki. Desde cu a cuminsa cu e renobacion, a keda menciona door di gobierno cu "no lo



duna permiso di trabao of extension" di esaki pa por realiza e trabaonan na dicho hotel. Un biaha mas tin cu cuestiona si esaki ta berdad. Informacion ricibi ta, cu companianan di construccion y trahadornan local ta ser manda cas y ta poniendo personanan di afor cu mester di permiso pa traha. Creando asina cu nos mes henderan of esnan cu permiso caba aki, no ta keda protegi y no tin trabao. Unda e control a keda? Unda e proteccion di nos propio trahadornan a keda? Unda proteccion pa esnan cu a bin busca un mihor futuro akinan y cu pa añas ta aportando na desaroyo di nos pais a keda? Gobierno ta preveni cheap labor? Aki ta unda un gobierno sincero y un gobierno cu bienestar di trahado na pecho, lo a percura pa cos bay otro y lo a protegi e trahador contra companianan gigante multinacional. Aki ta unda gobierno por actua mesora y tene control riguroso. Ta di spera cu gobierno dicidi y percura pa no duna ningun permiso di trabao mas na e doño nobo pa importa trahadornan di afor y cu gobierno lo garantiza cu nos trahadornan local ta esnan cu derecho pa haya trabao asina e hotel habri di nobo. Esey lo ta corecto, esey lo haci un diferencia na fabor di clase trahador.

MEP TA YAMA REUNION URGENTE NA SEDE DI MEP AWE DIAMARS

GOBIERNO TA BAY BAHÁ PENSIOEN DI ESNAN CU YA TA GOZANDO DI NAN PENSIOEN

Anochi Informativo Info Night

URGENTE

FECHA DIAMARS 27 DI MEI 2014
LUGAR CEDE DI MEP SANTA CRUZ
ORA 7.30 PM 9.30 PM

TOPICO 100 MIYON FLORIN NA MEDIDA DEN 2014

MEPofficial
WWW.MEP.AW



Durante un reunion di Comision Financiero di Parlamento Minister Juan David Yrausquin a duna splicacion di e lista nobo di 18 medida. Den e lista aki tin tambe e tema di pensioen di hendenan cu a traha den gobierno, e asina yama pensioen di APFA. Bo lo pensa cu e fondo di APFA ta core peliger, pero esey no ta e caso. E fondo di APFA ta recuperando poco poco pero sigur, pero gobierno no kier sigui hinca mes hopi placa den e fondo. Den e lista di 18 medida gobierno ta bay corta riba e pensioen cu un pensionada ya caba ta hayando. Ta trata aki di e asina yama

"duurtetoeslag" cu esnan cu tabata ambtenaar ta haya den nan pensioen. Gobierno ta bai corta 11 miyon florin den e duurtetoeslag. Kier meen si bo ta un pensionado cu durante 30 aña a paga bo primanan di pensioen na gobierno, awor gobierno ta djis corta den dje. Hopi ta puntra nan mes si legalmente esaki ta posibel, pero ta obvio cu pa e gobierno aki ley y regla no ta conta. Nan ta corta unda cu ta, sin importa ley y regla. Mas tristo ta cu nan ta corta den pensioen di nos grandinan, den bijstand pa esnan handicapped, na seguridad y cuido di

salud, peronannota corta den nan fiestamento, nan viahamento, ni nan propaganda. E gobierno aki ta un abusador! Minister ta conta cu sindicatonan y especialmente OPFA ta bay di acuerdo cu esaki, ya asina tin placa ta keda pa 9 ministerio, pa e 9 ministernan sigui fiesta, viaha y haci propaganda. Pesey partido MEP ta organiza un reunion cu caracter di urgencia, diamars, 7.30 p.m. na Sede di MEP na Sta. Cruz pa duna splicacion mas detayá. Bin pa bo tambe haya sa ta kico nan kier haci cu bo pensioen.

Falta 3 dia pa registra pa e curso di plantamento duna door di Green Inc.



Green Inc. ta organizando riba 31 di Mei 2014 un curso di planta pa tur esnan cu kier siña cultiva nan propio berdura y fruta organico na cas. E curso lo ta uno teoretico pa grandi y chikito na unda fundador di Green Inc. Sr. Urvin Leest lo demonstra e participantenan cual ta e mihor metodonan pa planta y mantene cultivo organico den un espacio chikito. Awendia nos por haya tur tipo di berdura y fruta den supermercadonan y na fruteria. Sin embargo, sin sa con nan a wordo cultiva. Green Inc. ta boga pa cuidadanonan bira consciente pa cultiva nan propio alimento organico cu ta hopi mas saludabel y sostenibel.

pa bebe.) . Pa registra:

Manda un email na greenincaruba@gmail.com mencionando bo nomber, edad, adres y number di telefon. Registracion y pago mester wordo haci no mas tarda cu 29 di Mei 2014. Por haci pago sea personal of via transferencia di banco na e siguiente cuenta bancario: Caribbean Mercantile Bank: 62521107 Na nomber di: Ms. ETG van der Biezen. Pa haci pago personalmente, por tuma contacto cu Sr. Urvin Leest na 5946088. Bo ta desea di ricibi mas informacion? Comunica cu nos via facebook www.facebook.com/greenincaruba of manda nos un email nagreenincaruba@gmail.com

Fecha: diasabra 31 Mei 2014
- Orario: 10:30 am – 1:30 pm; Lugar: Colegio Conrado Coronel (Morgenster). Prijs: 25.00 Awg. (inclui 'Organic Starterskit Goodiebag' y algo

Registra awe mes paso cupo ta limita!

RECTIFICACION

Jeffrey Henriquez, e tata denunciante, ta rectificá:

Den edicion di SOLO DI PUEBLO di 24 di maart 2014, a sali riba pagina 2 un realto jama: "Mama cu ayudo di Honny Ponny City a secuestra su dos yuinan y viaha pa Hulanda", cual relato a wordo compila mediante un entrevista cu mi persona a duna na e periodista. Durante e entrevista mi a bisa cu na mi opinion Sra. Jacky y Honny Ponny City lo ta di un manera involvi den e asunto cual ma raporta. Esaki no ta corecto y mi no po prueba cu esaki ta berdad tampoco. Mi no por substancia na niun forma locual mi a declara. Por medio di esaki mi kier rectificá mi declaracion y insinuacionnan erroneo na e adres di Sra. Jacky y Honny Ponny City."

E conocido Rapper Wiz Khalifa deteni



Diadomingo den oranan di mainta polis a detene e conocido Rapper Wiz Khalifa, pa motibo cu e tabata ta den posesion di droga. Wiz Khalifa a wordo atrapa na un Aeropuerto na Texas, cu mitar gram di marihuana den su poder, cual na Merca ta algo

contra ley, pa ta den posesion di marihuana. E rapper a keda deteni y a wordo hiba mesora na e Warda di Polis den cercania. Wiz a hay'e algo aparentemente masha pret mes y a saca un potret di su mes den cel y a pone riba su Twitter account.

Homber di edad a perde control na altura di luznan di trafico na Drive inn

Diadomingo anochi Polis di Sta. Cruz a bay altura di luznan di trafico na Drive Inn. Aki un homber a bira malo na stuur y tabata teme lo peor. Na yegada Danki Dios e cabayero tabata na tino. Polis a pidi pa un Ambulance pa controla e cabayero. Ambulance a control'e y despues di un check up Polis a transporte pa su adres na Paradera.



PUEBLO A HAÑA SU PEN BEK

Pa kualkier informacion
solodipueblo@gmail.com
of
☎ 585-9500

MESTER DI PLACA? EMPEÑA Y CUMpra ORO

PASA Y COMPROBA PA BO MES!



JUWELENHUISJE

ORARIO 10AM - 6PM DIALUNA TE DIABIERNA



GRUPO 7 DILANTI BUSHIRI



Patruya di Playa bayendo pa un accidente a bolter na e cruzada pabao di ELMAR na Playa

Ambos polis a keda seriamente herida



Dialuna atardi pa mas o menos 4:45 un patruya di Playa bayendo pa un accidente a haya su mes involvi den un otro accidente. E patruya a sali for di Judra Building na Dakota y tabata bayendo pa un accidente na altura di Hong Kong Boulevard. Segun testigo e patruya den Rondweg tabata tin su sirene y zwaailicht cendi. Segun un otro testigo a declara na Polis cu na rotonde Banco di Caribe e patruya a paga e sirene, pero si a keda cu e zwaailicht cendi. Na e cruzada pabao di Elmar, na Adriaan Laclé Boulevard y Wilhelminastraat e lo a pita, dus un sonido no constant. Ey ta caminda e auto Ford a dal nan. Un impacto bastante fuerte por cierto. Loke no ta conoci si tabata tin luz cora of berde pa un di esnan involvi. Dus pa sea e A -auto of e auto di Polis. Brandweer y dos unidad di Ambulance a presenta mesora na e sitio. Un di e agentenan a muestra di a fractura su braza robéz, na su elleboog. Esaki tabata sangra basta. E otro agente un nobo den dienst tambe tabata herida y benta di banda. Mesora personal di Ambulance a prepara nan y transporta nan pa hospital. E dama cu a dal den nan no tabata muestra di a ricibi algun sla. Caminda a keda cera te despues di 6'or. Y takelwagen a bolter e auto bek y hib'e Toyota.





Wendy's

LIMITED TIME ONLY

NEW

TUSCAN CHICKEN

ON CIABATTA

“Un danki di curazon pa boso sosten y aporte”

Sue-Gin Arends ta gradici henter su team pa join Garnier Beach Care 2014



Diadomingo siman pasa un grupo grandi a join e di 4 Garnier Beach Care, unda cu ya for di e oranan tempran di mainta, e team di Sue-Gin Arends, Miss Teen Maybelline NY, tambe a forma parti na e accion di limpieza aki.

E accion di limpieza aki ta di sumo importancia pa nos comunidad, specialmente nos

hobennan y p'esey mes Sue-Gin a percura pa acerca, motiva y crea concientizacion cerca e hobennan di nos comunidad pa tambe join y forma parti di su team. Asina aki como hoben, nan por demostra cu nan tambe ta preocupa cu e sushedad cu ta afecta nos medio ambiente y tin amor pa nan isla.

E grupo di Sue-Gin tabata consisti di: e miembronan di su famia, amiganan di school di su ruman muher na Colegio Arubano San Nicolas, amiganan di Sue-Gin mes, algun miembro di K-Club Colegio, Seleccion di Landamento Arubano y grupo di padvindsters di distrito di Savaneta, Dakota y Noord.

Sue-Gin un biaha mas kier gradici cada un cu a forma parti di su team diadomingo ultimo na Garnier Beach Care.

Ya cu banda di a duna nan sosten na dje como candidate, tambe nan a bin haci e bunita trabou di sostene e accion di limpieza na nos medio ambiente.



Delegacion di bowling a sali pa e torneo CamBowl na Panama

E dianan 24 di mei pa 31 di Mei proximo lo tuma lugar na Panama, e torneo di internacional di bowling yama Cambowl Mayor Panama 2014. E federacion di bowling di Panama hunto cu e Confederacion di Centroamerica y Mexico lo ta esnan encarga cu e

torneo. Paisnan afilia na CONCABA, esta Mexico, Guatemala, El Salvador, Honduras, Costa Rica y Panama lo ta presente y paisnan invita lo ta Colombia, Puerto Rico y Aruba. Mirando e tremendo prestacion di nos atletanan di bowling den e region a haci e

invitacion na ARBAS pa Aruba ta presente cu un delegacion. E atletanan cu lo representa Aruba den e competencia di CamBowl na Panama ta Jason Odor, Maurice Figaroa, Brian Helmeyer, Kamilah Dammers. Como coach a biahha James Porter y e miembronan di delegacion



cu ta Chris Dammers y Rita Henriquez.

Tras di tur federacion cu ta cumpli cu e exigencianan stipula pa e Comision di Subsidio y su Comision di Tecnico cu ta haci e trabou controlaria, tin e ayudo financiero nesecario pa por cubri tur e gastonan ora cu

representa Aruba den exterior. Fundacion Lotto pa Deporte ta financia y subsidia mayoria di e federacionnan di deporte na Aruba. Hunto cu e vision di e Minister di Deporte, Dr. Alex Schwengle, nan ta kere fielmente den e grupo di atleta cu cada dia ta traha duro na progreso di e deporte local.

D'-LICIOUS Live
3 YRS CELEBRATION

D'-LICIOUS LIVE GIO FUERTISIMO
at "O" RESTAURANT EX MR JAZZ
FRIDAY 30 MEI 2014

TICKETS: GENERAL V.I.P. FL.35,=
 X-CLUSIVE V.I.P. FL.75,=

AVAILABLE @ TOP FM + ARUBA RIBA @ HOFFIE CHONA
 VALERO BLVRD + RUIZ TAKE AWAY
 BENNY'S EX PROMENADE SN
 PIET SUPER TRUCK

DOORS OPEN 10PM

DRAAIMARS, E SPECIAL NOBO PA DIAMARS NA URATAKA CENTER

Urataka Center, e pizzeria favorito di pueblo di Aruba, conoci pa mas di 5 aña caba cu nan specialnan di Pizza Combo ariba Dialuna y Diahuebs awor ta lansando un campaña special un biahha mas.

Entrante mayan Diamars 27 di Mei, Urataka Center ta cambia e nomber di e dia aki pa "DRAAIMARS". Cu cada compra di Afl. 25 bo ta haya chance di DRAAI nos "Rouletta" pa asina por gana diferente premio, entre otro regalitos, descuento y mucho mas.

Asina ta nos ta wardabo na 'the oldest and finest cunucu bar' na Aruba pa asina bo bin purba bo suerte cu e DRAAIMARS special.

Ta Bende

Honda Fit Japonés 2001

Color Perla, Automatic, Full Equip., aerosport kit, power windows, power locks, power mirrors, airco, DVD Player, Mc Wheels Honda Original, HID Lights
 Pa mas informacion jama: 600-0501 of 600-8994

For Sale

BMW 523i M-tech front bumper, 5Sp/PW/PS/PB/ 18" Mag rims

Tel: 567-8188 Awg.
 11.000,-



SOLO Local.....

MAGIC Bloki Thiel Angels a titula campeon invicto....



Diadomingo ultimo equipo di femenino di softbal comercial MAGIC Bloki Thiel Angels, despues di a bataya fuerte contra e equipo Sweet Devils Coco-Cola a logra titula campeon invicto den e torneo "The Best of All 2014" cual a keda organisa na veld di Madushi Stars.

Un wega cu a cuminsa for di 2'or di atardi y a caba despues di casi 3 ora di

wega, caminda tur dos equipo a bataya cu alma y cuerpo, dunando mas cu nan por, a termina den cu un score preta di 7-6. Un wega cu normalmente ta bai te cu 7 inning a termina te den di 9 inning caminda cu un hit Magic Bloki Thiel ta logra laga Sweet Devils den tereno. No por saca afor cu e pitcher di Sweet Devils, cariñosamente yama door di tur Chichi, a domina e team di Angels

te den e di 7 inning.

Despues a termina e dia cu entregamento di premio caminda Magic Bloki Thiel Angels a bai tambe cu e premio di MVP cual a bai pa Maria Garcia kende tabata e pitcher ganador den e ultimo dos partido nan di e torneo cu un dominio total riba e otro equiponan. E premio di Champion Batter tambe a bai pa Angels kende tabata Melitsza Peña kende sigur no ta un desconoci den e deporte di softball.

Awor cu e torneo ta tras di lomba, caminda Angels a sali cu bon pia y hiba e premio maximo cas, e focus ta completamente riba e preparacion pa e viahe cu tin den October caminda Angels lo bay representa Aruba durante un torneo internacional cual ta wordo organisa na nos hermana isla. Mas detayes di e torneo aki lo wordo duna despues.

E equipo completo kier a gradici nan sponsornan MAGIC FM 96.5 y tambe Bloki Thiel, nan fiel fanaticonan y tambe mas cu claro cada un hungadora cu a pone un granito pa a logra e titulo aki. Nan coach y manager cu a sa di guia e damas nan aki te na e ultimo careda, pa nan a keda confia den mes !



TRAPPERS CLUB

- Fiesta, reunion, ricibimento, bruid, fiesta grandi o chikito.
- Workshop, reunion, reunion deportivo, encuentronan di iglesia.
- Area openlucht ta acomoda 1000 persona
- 2 Sala airco cu ta acomoda te cu 400 persona
- Area openlucht cu stage, pa festival, iglesia, fiesta familiar
- Remodel'a Situa pariba di Botica Central, pabao di veld di Rockets @ Sta Cruz 739-0101 / 748-8280

Ta haci tur trabao
Ta haci trabao di metsla-
carpinte- verf- plumbing-
drecha dak- plafond-
welder- coriente- kap
mata- haci cura limpi.
Yama 563-8188/585-1147

Ta bende

un mesa di biljard
hopi bon condicion
pa inf yama 5610148
/ 5673062

Solo Local.....

Cumpra Coca Cola y gana e premionan tremendo di Aruba Bank!

Aruba Bank ta regala jersey original di bo team preferi

Aruba Bank ta masha contento di por anuncia cu e jersey original di algun team cu ta participa den e campeonato mundial di futbol, FIFA 2014, ya e Jersey nan aki? Luna



HEMELVAARTSDAG FEEST

LADIES NIGHT

Zeta Band, Tsts Band, Dj Alvin



CLUB TRAPPERS

FULL AIRCO

Y SECURITY PA CUIDA BO AUTO

DOORS OPEN @ 9PM

LADIES FREE ALL NIGHT

CABALLERO TA PAGA 10 FLORIN

pasa Tropical Bottling Company a lanza su campaña di e tapadera geel den cuadro di e temporada di e mundial FIFA 2014. ArubaBankta un di e patrocinadornan oficial di e campaña aki caminda bo por gana premionan fabuloso.

Cumpra un botter di Coca Cola di 20 oz of un di 2 liter cu e tapa color geel, check bao di e tapa pa un codigo. Manda un SMS na 6565, cu e codigo cu ta consisti di 2 letter y 6 number.

Ya caba Tropical Bottling Company a anuncia hopi di e ganadornan di e tremendo campaña aki y awor Aruba Bank kier anuncia cu pa diasabra awor un di e premionan fantastico lo bira e Jersey original di un di e paisnan cu lo hungando durante e mundial di futbol.

Aruba Bank ta hopi orguyoso di por ta un di e patronicadornan di e campaña unico aki y ta invita bo pa bira un di e feliz ganadonan di e siman aki.

No perde e chens aki di gana bo jersey original di bo team preferi.

Solo Local.....

Cool FM 98.9 cu un trend nobo di coolplank


Por a ripara cu tur caminda riba social media hende ta pone potret online cu nan ta plank. Esaki ta paso Cool FM 98.9 a cuminsa cu un trend saludabel

unda cu bo tin cu saca bo potret ta plank y bo ta #coolplank den dje. Esaki a crea cu hopi hende a cuminsa haci esaki y Cool FM a cuminsa regala

tshirt di e radio pa esnan mas creativo. Bo por a wak cu hende a cuminsa COOLPLANK tur caminda. Especialmente na nan trabao. Indroh Kelkboom

ta e modelo di Cool FM cu a saca potret rond di Aruba asina promove e movecion aki. Na radio nan a bisa cu e siman aki nan ta sigi promove

esaki y tur esnan cu kier participa tin cu post esaki riba Facebook, Twitter of Instagram. Corda cu bo tin cu #COOLPLANK.



SOLO Deporte.....

Antorcha Virtual di e Weganan Olimpico Hubenil di Nanjing lo ta na Aruba diamars 27 di Mei

E segundo Weganan Olimpico Hubenil di Verano lo tuma lugar e aña aki na Nanjing, China, esaki di 16 pa 28 di Augustus proximo. E ceremonia di encendemento di antorcha a tuma lugar dia 30 di april na Atenas, Grecia. Na mesun momento e Relay di e Antorcha Virtual, cu lo dura 108 dia, a inicia. E Relay di e Antorcha Virtual lo recore 204 pais cu ta miembro di Comité Olimpico Internacional. E lo bira un instrumento poderoso pa encurasha hobennan adulto rond mundo pa bira cargado di antorcha cibernetico y asina comparti e balornan Olimpico. Mirando e yegada di e Antorcha Virtual na Aruba esaki riba diamars 27 di Mei, Comité Olimpico Arubano lo organiza actividadnan promocional y asina yama un caluroso bon bini na e antorcha na nos dushi isla.

Por download e App di e relay di e antorcha na torchrelay.nanjing2014.org, App Store of Google Play (buske na "nanjing2014"), caminda un demostracion detaya pa e aplicacion por ser encontra.

Durante di e actividadnan aki tur material, consistiendo di video, potret of otro tipo di material traha, por wordo manda na xwxtc2014@nanjing2014.com. NYOGOC lo selecta y distribui e materialnan di promocion riba e website oficial di Nanjing 2014.

Comité Olimpico Arubano tambe lo participa na e Weganan Olimpico di Hubentud di Nanjing. Ya caba varios atleta den diferente deporte a clasifica pa e Weganan di Nanjing.



AVB Menor U-15 Playoffs 2014 Schedule

DIA	FECHA	ORA	WEGA		STADION	SCORE
Saturday	9-May-14	4:00 PM	Brazil Jrs.	vs	SC United	CDGPT 0-0
Saturday	9-May-14	5:30 PM	RCA	vs	La Fama	CDGPT 1-1

Tuesday	6-May-14	7:00 PM	La Fama	vs	Brazil Jrs.	CDGPT 1-3
Wednesday	7-May-14	7:00 PM	RCA	vs	SC United	CDGPT 2-3

Saturday	17-May-14	6:30 PM	SC United	vs	La Fama	CDGPT 0-0
Saturday	17-May-14	8:00 PM	Brazil Jrs.	vs	RCA	CDGPT 0-2

Tuesday	20-May-14	6:00 PM	SC United	vs	Brazil Jrs.	CDGPT 0-0
Wednesday	21-May-14	7:00 PM	La Fama	vs	RCA	CDFF 0-3

Saturday	24-May-14	6:00 PM	Brazil Jrs.	vs	La Fama	CDGPT
Saturday	24-May-14	7:30 PM	SC United	vs	RCA	CDGPT

Tuesday	27-May-14	6:00 PM	RCA	vs	Brazil Jrs.	CDFF
Tuesday	27-May-14	7:30 PM	La Fama	vs	SC United	CDFF



"A CHAMPION IS SOMEONE WHO GETS UP WHEN THEY CAN'T." - JACK DEMPSEY

SUCCESS!!

TUR COS TA CLA PA E PROMER BATAYA DI BANDANAN COMPLETAMENTE LIVE (EN VIVO)

Dia 28 di Mei na Centro di Bario Playa Pabou.

Boegoeroei Athletics Sports Organization ta invitabo pa un tremendo fiesta Bailabel Diaranzon awor dia 28 di Mei na Centro di Bario Playa Pabou pa yuda e organizacion recauda fondo pa su actividad nan deportivo. Corda cu Diahuebs ta dia liber (dia di asuncion) y lo ta e ultimo dia liber te cu December atrobe pesey mes sali y goza y baila na ordo. Nos mester ta hopi contento si nos mira cu Aruba ta progresando den musica despues cu hopi banda musical a disidi di hasi nan banda mas chikito y ta toca cu computer of sequencer. Actualmente tin 5 banda musical cu ta toka completamente en vivo y mirando esaki e ta un progreso grandi. Nos sa cu tin mas banda cu ta den proceso pa bin completamente live y otro aña e por ta mas ainda. Tabatin sigur un temporada largo caminda Robert & su Solo Banda Show tabata e unico orquesta of banda musical cu ta toka live akin a Aruba. Na nos Hermana Isla Corsou bandanan musical a keda cu e tradition di toka live y ta organiza hopi tipo di fiestanan pa e publico por scucha tur e bandanan, awor porfin na Aruba nos por bisa cu despues di hopi anja nos tin un lineup di bandanan musical cla pa entretenbo y ponebo baila dia 28 di Mei awor. Nos a traha ariba un concepto tambe caminda personanan di tur edad por asisti y e prijs di Afis 25,- pa kaarchi ta na alcancel di un y tur. Esun nan cu a bay 3 aña pasa na Centro di Bario Noord sa di e ambiente na e fiestanan organiza pa Boegoeroei Athletics. E 5 bandanan musical cu lo tey presente lo ta mas cu claro Robert & su Solo Banda Show cu a keda mantene e tradition di toka

musica en vivo pa mas cu 20 aacabay nan lo bin duro cu nan cantica nobo nobo cu yama "Bida". Tambe lo tey e anochi aki D'Iliscious cu ta celebrando nan di 3er aniversario y den poco tempo a conquista e mercado bailador aki na Aruba y a haci un tremendo trabao pa nan grupo Majestic durante e temporada di Carnaval tras di lomba. No kere cu D'Iliscious ta toka Ritmo Combina solamente paso boso ta bon equiboca. D'Iliscious ta un banda cu ta toca varia y sigur mirando e anochi aki nan lo bin duro pa complace e bon bailadornan. Simplemente Pabo ta otro di e bandanan live cu lo presenta e anochi aki y mester bisa cu den solamente un anja di tempo nan a sa di crea un base di fanatico hopi grandi y nan ta un banda cu ta toca hopi varia y cu hopi ambiente. Quincy Hasham tabata sperando hopi dia ariba e fiesta aki pa mustra kico realmente Simplemente Pabo tin pa ofrece contra di e grandinan cu mas aña di experiencia. Badu (Baila Dushi) logicamente no por keda for di e tremendo fiesta aki. Pa mas cu 7 anja caba Badu ta entrene hopi fiesta rond di nos Isla y a cuminsa drenta den e fiesta grandinan y sigur tambe ta conta cu un fanaticada hopi grandi cu ta companja nan tur caminda cu nan presenta. Nan musiconan ta veteranonan di Bandanan grandi manera Quasi, Musical Time, Sencacion del Caribe etc. Un set cu ambiente sigur ta garantiza ora cu Badu presenta. Tambe bo ta haya ta presenta e anochi aki Orquesta Mas cu sigur tin mas cu 2 anja caba ta presenta na diferente fiestanan priva y tambe na clubnan y barnan nocturno aki na Aruba. Kisas hopi hende no a tende di nan

pero nan ta zona hopi bon y sigur cu un tiki mas promotion nan lo bira un rival grandi pa otro bandanan musical aki na Aruba. Nos a compronde cu nan Manager ta e conocido locator y musico Robert Thiel cu lo bay zorg pa un agenda sumamente ocupa pa Orquesta Mas cu ta consisti di musiconan di ex bandanan manera Papito & su Doble Sabor, Sensation Original, La Selecta ect ect. E prome banda lo cuminsa toka 9or en punto y cada banda musical lo presenta un set bailabel bon varia di 1 ora cu Merengue, Salsa, Bachata, Tumba, Cumbia, Bolero, Son Montuno, Wals, Cadance, Soca, Ritmo Combina y mucho mas. Corda tambe cu si bo ta un pareha cu ta bay casa of bo ta bay haci aña y kier contrata un di e banda musicalnan bin fiesta y wak pa bo mes ken bo ta contrata y cada banda tin nan prijs na alcance di un y tur. Mester remarca cu prijs ta solamente 25 florin pa kaarchi y ta 800 kaarchi so tin na 25 florin. Si despues di esaki ainda resta lugar cu hende por drenta e ora e prijs lo bira logicamente mas caro asinata cumpra bo kaarchi di fiesta na Botanica Girasol na Boegoeroei, cerca tur integrante di e bandanan musical, serca miembronan di Boegoeroei Athletics of bo por yama tambe na 6002202 of 5620848 pa bo ticket (nan). Lo bay tin un cushina crioyo bou encargo di Sra Lourdes Wolff cu lo bin cu su famoso Soppie Carni, Pan cu Calco, Pan cu Higrá, Pan cu Stoba, Sanger Yena, Pan cu Steak y hopi mas. E bar mas cu claro lo ta bon surti y cu un tremendo servicio pa bo no keda hopi para na bar. Lo bay tin 2 bar pa atendebo lo mas pronto posibel. Boegoeroei

Athletics ta invitabo pa bin goza y pasa dushi y corda cu tin security pa control bo auto y cu parking lot ta amplio pazuid y pabou

di Centro di Bario Playa Pabou.



Noticia Deporte....

Brazil Taekwondo Stichting su Team di Train Hard Fight Smart ta cla pa Suriname



Diasabra ultimo e atletanan di e team di Train Hard Fight Smart a cuminsa focus specialmente ariba e team cu ta bayendo Suriname diana 13-16 di Juni. Brazil Taekwondo Stichting ta conta cu 11 atleta di cual 2 ta di Master Eric Barry su scol San Nicolas Taekwondo Center.



Thias Rodriguez lo bay ta coach y atleta na Suriname, mientras cu Danica Delamore lo bay ta e team manager y coach. Brazil Taekwondo Stichting ta bayendo Suriname cu e B y C team kendenan ta Rasheed Lowe, Thais Rodriguez, Cleff Dede, Adam Liendo, John Liendo, Zahyon Klabér, Joshua Klabér, Danon Delamore, Samuel Jones, Iryaahim Delamore y Justin Arrindell.



Aruba lo bay ta bon representa na Suriname pasobra Brazil Taekwondo Stichting ta conta ariba cu tur e hard training ta bay pay off. Training ariba diasabra nunca tabata facil, training sa cuminsa 9'or di mainta y ta caba te cu despues di 12'or di merdia. Aki ta train forza cu mesun peso, bringamento, timing, rapidez, focus y tecnica. Ora cu e team caba di train sa hunga un wega di basketball ainda prome cu e bus hibanan cas. Diasabra awor training lo bay ta na Seroe Alejandro y aki ta bay concentra ariba forza di e pianan.



Noticia Local....

“ BIN DISFRUTA DI E MAGICO MUNDO DI OZ ” 27 di Mei na Cas Cultura 7 pm

Anali Cabrera Foundation, ta kla pa presenta na henter pueblo di Aruba, e famoso obra di literatura pa mucha " The Wizard of Oz" E MAGO DI OZ. Despues di 12 siman di preparashon di a tayer " Crea y Siña", pa mucha y hobennan, nos muchanan ta kla pa e presentacion cu lo tuma luga dia 27 di Mei pa 7pm, nan a training mas di 4 oras cada dia, sin para, ACF,

ta orgulloso di esfuerzo cu tur nos cursista a haci pa e obra aki bira un éxito, Nan a muestra hopi disciplina, entusiasmo y dedicacion pa realiza e obra aki.

ACF, ta agradeci na e ayudo financiero y confianza den e proyecto aki. Na e diferente fondonan di UNOCA, Prins Bernard Cultureel Fonds, CEDE Aruba VNO y Departamento di Cultura Aruba.

Nos actornan lokal y profesional tambe a sacrifica nan mes pa training masha duro mes pa duna e publico un obra di calidad, Faritah Luidens mas conoci como " TICA BASHA ABAO" ta interpreta di e bruha mahos, cu kier kita e zapato di Dorothy, "Nos a cuida cada detaye, di e obra, pa no spanta e muchanan pero pa nan enjoy di dje, pesei e bruha

ta un di e parti mas comico di e obra".

Angela Croes, lo deleita cu su maravilloso steem lo sorprende na un y tur cu su talento di actriz, Fernando Luidens tambe ta hopi conoci den nos comunidad y ta muestra su faceta di actor destacando den su rol di Shon bleki, Lieje Osorio, Lukee Croes, y Mirtho Iacle, ta muestra nan profesionalismo y dedicacion pa haci

e obra aki un SUPER COMEDIA!!!

Ferdinand Franca, no solamente ta haci un tremendo interpretacion di Wantomba, pero tambe ta yuda cu parti di e produccion, e director y Producer Patty Tjon-Cabrera, ta interpreta e rol di Dorothy c uta busca su cacho Toto, interpreta door di Rachel Alberga, y hunto nan ta bai den un mundo cu nan no ta conoce un luga mas leu cu horizonte " CAMINDA TUR BO SOÑONAN TA BIRA REALIDAD".

Vestuarionan a wordo realiza door di e diseñador, Grace Yrausquin. Makiyahe special Angela Velasco, Tur nos canticanan ta wordo canta door di e actornan mes y e areglonan musical ta den man di ROBERT THIEL.

Bo no por perde e UNICO PRESENTACION, di E MAGO DI OZ, cu a wordo presenta na tur parti di mundu cu exito y awor pa prome biaha na ARUBA, cu tur nos artistanan lokal, NA PAPIAMENTO!!! Caarchis obtenibel na Cas di Cultura of na nos oficina 5649511.

bin disfruta di e anochi magico aki na Cas di Cultura riba diamars 27 di mei pa 7'or di anochi. Nos ta cuminsa NA TEMPO!!!!



Resultado di number:**Merdia Dialuna 26 Mei:**

Catochi	Big 4
1113	3332
4626	
2606	

Zodiac	Lotto di Dia
6384 Acuario	XXXXXXXXXX

Anochi Dialuna 26 Mei:

Catochi	Big 4
1469	7101
9126	
7609	

Zodiac	Lotto 5
8335 Piscis	XXXXXXXXXX

Lotto di dia	Corsou
17 – 29 – 03 – 04 – 13	5513
	6634
	6480

Diario	Super 4
5631	9104
2518	
6320	

4 skina DIA
5160
4 Skina Cur
5360

PUEBLO A HAÑA SU PEN BEK

Pa kualkier informacion
solodipueblo@gmail.com
of
585-9500



Champion International Equitation Melanie Wever @ Spectrum 2014



Aruba su amazona di 13 aña den e deporte di cabai Melanie Wever a participa na Spectrum International 2014 e dianan 24 y 25 di Mei na Tropical Park Equestrian Center na Miami-Florida.

Y a sobre Sali un biaha mas cu e siguiente premianan:

24 mei Promer lugar Sub Junior equitation

25 Mei CHAMPION den categoria Youth equitation championship categoria 171

25 Mei CHAMPION: International equitation championship di 12-17año unda Melanie tabata esun dimas jong unda un mucha homber tambe a participa hunto cu nan.

Asina aki Melanie ta sigui cu su tremendo preparashon pa mundial cu ta na caminda aki 3 siman na Colombia.

Masha pabien ta bini di henter famia y team completo di Rancho Las Piedras na Melanie Wever y mayornan Ludmila & Myron Wever y na su trainer/mentor Igor Kock.



Obtenibel na Jess Lottery banda di Wema Sta. Cruz:

Powerball y Lotto Florida

BOTICANAN:

Maria	585-8145
Di Servicio Noord	586-4606
Seroe Preto	584-4833
Fergusonstraat	583-0620
Kibrahacha NV	582-2007
Oduber NV	582-1780
Paradera	588-6638
Santa Cruz	585-6890
San Lucas	584-4830
San Nicolas	584-5712
Santa Anna	586-0027
Trupial	582-8671
Eagle	587-9011
4 Centro Medico	584-5779
Aloe	584-4606
Central NV	585-1965
Dakota NV	588-7364
Del Pueblo	582-1253

POLIS:

Oranjestad	100
San Nicolas	104
Sta. Cruz	105
Noord	107
Tip-line	1141
Brandweer/Ambulance	911
Guardacosta	913
Seguridad National	11911
Hospital	527-4000
Centro Medico	524-8833
Setar storing	117
Web Storing	525-4600
Elmar storing	523-7147
Agencia Funeral:	
The Olive Tree	584-8888
Ad Patres	584-2299
Aurora	588-6699
Mementomori	582-2222

Fundacion:

Cas	584-2050
Fada	583-2999
F A V I	582-5051
Famia Planea	588-9591
Autismo Aruba	588-1179
Pa Hende Muherr	583-5400
Pa Hubentud	588-6138
Bloedbank Aruba	587-4260
Solo di Pueblo	585-9500
Canal 22	585-9500
Tip pa redaccion	592-6895

**Dokter y Botica na
Warda pa bao di Brug:**

Yama pa informacion na
Horacio Oduber Hospital:
527-4000

**Dokter y Botica na Warda
pa riba di Brug:**

**Publica bo clasificado,
awor cu prijs pa siman:
Afl. 35.00 pa 1 siman /
Afl. 140.00 pa luna. Pasa
na nos oficina na Sta.
Cruz 110 of e-mail nos na
solodipueblo@gmail.com**

TA BENDE

2 CAS NA TANKI
LEENDERT
TERENO PROPIEDAD
10.780 M2 NA
MONTAÑA
2 CAS NA
PARADIJSWIJK
YAMA : 5937118.

Bo tin mester di un
fotografo ON THE
SPOT pa bo fiesta di
cumpleaños, ricibimento
of otro actividad?

Nos ta GARANTIZA bo
un super BON prijs!

Yama 5620119 of
7403140

TA BENDE

Un fax machine
marca: SHARP den bon
condicion. Plain paper

Prijs: fls. 125, -

Yama: 593 - 8182

CUMINDA

Cushina di Dochi Lee

NOS SNACKS

tur dia tin special di
dia. bestel bo cuminda
tempran na 585-2585

TA HUUR

Ta huur Trappers Club pa
cualquier ocasion. Airco,
espacioso. Pa fiesta
di ricibimento, reserva
tempran. Tambe pa
encuentronan religioso.

748-8280

CUMINDA

Tur dia tin specials di dia
na Topacio Restaurant,
situa banda di Botica
Noord.

Pa bestel bo plato yama
nos na 587-0430

DON PINCHO
Specials
DIAMARS

→ Special di 11:30 am. pa 3 pm.

- **PISCA FRESCO** f 15
Prepara riba grill,
cu aros, salada + banana.
- **PINCHO MIXED** \$ 10
Prepara riba carbon natural.
Ta bin cu pan bruin + saus.
- **SOPI DI DIA** f 9,50
Pa pedido ☎ 585-8459

CORONA UPHOLSTERY
Estableci desde 1997
Unda bo trabao ta garantisa 100+100%
PARADERE SHIRIBANA 4 – TEL: 566-4358 y 583-1146

Nos tin hopi experiencia di verf y
renoba tur set di sala y recliner

Y tambe nos
tin tur sorto di
tela pa fura.

Riba muebles
Europeo y
Americano



Tambe nos tin areglo di pago.

Mito Upholstery

ta fura tur tipo di stool di cas, oficina, bar, rest, tambe auto,
pick up, etc trabao garantiza
tel : 5852843 cel: 6608780

**CUMINDA**

Sta Cruz Bar y
Restaurant. Pa
pidi cuminda
yama: 585-8088

TA BUSCA

Fundacion biba feliz ta
busca un sirvienta interna
cu experiencia pa cuida un
persona di edad. interesado
nan por yama na tel 5856741
entre 1:00 y 4:00 pm. o ta
acepta persona nan cu no tin
permiso pa traha .

TA BENDE

PORCO DI DOS
LUNA BIEU
AFL 60,- PA UN
TEL 5941317 /
5859870

Ta Bende

Harinja di MAISHI RABO
100% natural na
Nature's Discount
Seroe Blanco dilanti APFA
y Pos Chikito banda di
Laboratorio Familiar.
Tel: 5840336

Chica Pos

Marios Septic Tank

Servicio Rapido pa chica
pos.

Pa servicio yama:
5603500

TA HUUR

Ta huur espacio comercial na Centro
Comercial Noord. Perfecto pa cualquier
sorto di oficina. Adres: Noord 82.
Pa informacion yama
730-7000

Indian Rock Garden

E lugar ideal pa bo celebracion di bruid,
cumpleaños, aniversario, prome santa comunión, bautismo
y otro celebracionnan, pero tambe pa seminario, workshops,
charla y presentacionnan.

Pa informacion di prijs y reservacion jama 5926460,
of manda bo mensahe via Facebook/indianrockgarden
of email info@indianrockgarden.com



SUBWAY ALHAMBRA CU BISHITA DI TELEARUBA 'DESTINO BRAZIL 2014'

Den fin di siman tur esnan cu a yega na SUBWAY Alhambra por a presencia un transmision di e famoso programa di television di Telearuba 'Destino Brazil 2014' presenta pa Sr. Manuel Da Silva. Esaki

a bai en coneccion cu Aruba Bank su Walk and Run 10 Years Strong cu lo tuma lugar 3, 4, 5 y 6 di Juni 2014 y cu ta wordo patrocina pa SUBWAY. Durante diferente segmento televantenan

na cas y esnan presente a ricibi informacion di e team di mercadeo y di Aruba Bank como tambe di esun di SUBWAY tocante e caminta aki cu lo ta 4 dia largo. Tambe a presenta e 20 participantenan cu actualmente ta den un Aruba Bank Challenge caminda cu ya pa dos siman nan ta den un ehercicio extenso preparando nan pa e 4 dianan aki. Un di e metanan di SUBWAY ta pa promove un bida saludabel cu cuminda

saludabel y hopi ehercicio. Pa e motibo aki SUBWAY ta sponsor Aruba Bank su caminta pa di 7 aña consecutivo.

Manager di SUBWAY Alhambra Sra. Suhaili a duna amplio splicacion ariba e 8 pan nan bou di 6 gram di vet cu SUBWAY ta ofrece como tambe ariba e diferente salada y wrapnan. Ademas a muestra e televantenan e bunita tasnan di The Muppets cu cada mucha cu cumpra un kids pak na SUBWAY ta ricibi. SUBWAY a laga sa

cu tur participante di Aruba Bank Walk & Run cu bin Subway ariba e dianan di e caminata cu e t-shirt bisti cu cada uno a ricibi durante inscripcion lo ricibi 10% di descuento ariba nan compra na SUBWAY.

SUBWAY ARUBA tin 8 localidad parti strategicamente ariba nos isla y ta habri tur dia di 7:30am pa 11:00pm. Sigui tur desaroyo di SUBWAY via www.facebook.com/SUBWAYARUBA y ariba twitter na @SubwayAruba y kedabo bon informa.



Fiesta

Señora di tur pueblo



Un invitacion cordial na Aruba en general pa asisti na e fiesta di Señora di tur pueblo cu ta wordo celebra riba 31 di mei 2014.

Riba 31 di mei 1955 Señora di tur pueblo a bisa e visionera: "Bo lo soru pa cada aña dilanti mi trono, dilanti mi imagen e pueblonan reuni".

Ban gradici Señora di tur pueblo, nos Co redentora, Mediadora i Abogado pa tur favor ricibi, su cuido maternal y pidi pa e sigui intercede pa nos isla y tur pueblo nan na mundo.

Diasabra 31 di mei 2014.

6:00 am Rosario na honor di Señora di tur pueblo na Grot di Lourdes, sigui pa 7:00 am Santo Sacrificio di Misa na Grot di Lourdes, Sanicolas.

Atentamente,
Grupo di Señora di tur pueblo



SOLO Local

Sarah-Quita Offringa preparando na Al Training Performance Center pa e temporada 2014

Na 2010, 2011 y 2012 Sarah-Quita Offringa a prepara su mes cerca coach Aldrick Maduro. Den e añanan ey Sarah a logra 4 titulo máximo nan di Campeon di mundo den

Freestyle y Slalom.

Temporadanan cu Sarah Quita tabata na Aruba su entrenamiento na ATP Center tabata sigui. Actualmente e ta bek na su isla natal despues di su

estudio na Hulanda, e ta ocupa cu su entrenamiento pa e campeonato di Freestyle y Wave, cual ultimo ta un categoría nobo. Su entrenamiento di deporte y "strength

conditioning" ta constisti di condición físico general cardiovascular, forza corporal, estabilisacion di curpa (core-conditioning) y flexibilidad. Tambe ta traha riba simulacion di tecnicanan di movcion specifico di windsurfing pa e disciplinanan specifico cu Sarah-Quita ta competi aden.

Manera Sarah Quita mes a indica, "Mi ta sinti cu ta importante pami no entrena solamente den awa, pero tambe den gym. Na Al Training Performance Center mi ta haya un entrenamiento cu ta adapta na ami y mi deporte. Den windsurf hopi biaha bo ta train cierto movecionnan so. Cerca coach Aldrick e focus ta vooral riba equilibracion di e musculonan, haya mas forza y flexibilidad. Asina lesionan ta wordo preveni y mi condición físico general ta mehora. Door di esaki mi ta sinti progreso riba awa tambe.

Na Al Training bo ta haya atencion individual den e entrenamiento. Cualquier pregunta cu bo tin bo ta haya un contesta extensivo. Aunke cu entrenamiento ta serio, tur atleta (di diferente deporte)ta pasa bon y ta motiva otro. Pesey mi ta keda bini bek: paso mi ta sinti y wak progreso den mi prestacion y e ambiente tambe ta hopi agradabel".



Ta busca:

Un senjora ta busca un casita di bende number, traha di palo, segunda mano y na bon prijs.

No mas caro cu 800 o 900 florin

Jama: 748-8280

ALERTA -- BIENTO FUERTE Y OLANAN HALTO.
ALERT -- STRONG WINDS AND HIGH SEAS.
ALERT -- HARDE WIND EN HOGE GOLVEN.

PRONOSTICO DI TEMPO PA ARUBA VALIDO TE DIAMARS 27 DI MEI 2014

COMPILA:
DIALUNA 26 DI MEI 2014 17:00 (21:00 UTC)

TEMPO:
PARCIALMENTE TE LEVEMENTE NUBLA.

TEMPERATURA MAXIMO 33 GRADO CELSIUS Y TEMPERATURA MINIMO 27 GRADO CELSIUS.

SOLO TA SALI 06:14 AM Y TA BAHÁ 07:01 PM.

BIENTO:
FRESCO TE FUERTE DI DIRECCION OOST CU AVERAGE DI 22 NUDO Y BIENTO MAXIMO DI 34 NUDO.

SITUACION GENERAL:
NUBIANAN DEN NIVELNAN HALTO TA KEDA PERSISTI DEBI NA UN DISTURBIO DEN NIVELNAN HALTO.

BIENTO LO KEDA FRESCO TE FUERTE.

UN OLA TROPICAL LO JEGA NOS AREA RIBA DIAMARS CU TA AUMENTA E CHANCE PA UN YOBIDA.
UN OTRO OLA TROPICAL LO JEGA NOS AREA RIBA DIABIERNÁ.

CONDICION DI LAMA:
OLANAN DI LAMA TA BINIENDO DI DIRECCION OOST-NOORDOOST CU HALTURA DI 6 TE 9 PIA.

TENE CAUTELA RIBA LAMA DEBI NA E BIENTO FUERTE.

PROSPECTO DI TEMPO PA E RESTO DI SIMAN:
PARCIALMENTE TE LEVEMENTE NUBLA. DESPUES DI DIALUNA SHELO LO BIRA MAS NUBLA.

BIENTO TA KEDA FRESCO TE FUERTE.
TEMPERATURA TA FLUCTUA NET RIBA NORMAL.

REGISTRACION DI TEMPERATURA (CELSIUS) Y AWACERO (MM) DEN ULTIMO 24 ORA :

AIRPORT MAX 33 / MIN 27 / 0.00

HADICURARI MAX 29 / MIN 27 / 0.00

E PROXIMO BULLETIN LO WORDO PUBLICA DIAMARS 27 DI MEI 2014 17:00 (21:00 UTC)

Minister Dr. Alex Schwengle na apertura di Olimpiada Escolar

Ban sigui motiva nos muchanan pa sigui riba e caminda aki

Recientemente a duna inicio na Olimpiada Escolar, anto den gran forma. Anualmente studiantenan di mayoria scol tur rond di nos isla, ta mustra nan habilidad nan deportivo, nan nivel di competencia y di disciplina. Minister Dr. Alex Schwengle, encarga cu maneho di Salud Publico y Deporte, ta sostene e iniciativa aki.

E mandatario tabata presente na e evento di apertura y a enfatisa cu e desfile di tur e schoolnan cu a clasifica pa e olimpiada tabata masha bunita mes. Nan a trece e candela olimpico y e parti protocolario tambe tabata fantastico, principalmente e show presenta a cay masha na agrado di tur e invitadonan.

Pa Minister Dr. Alex Schwengle, ta importante pa hobennan participa y demostra nan interes den movcion, nan interes den haci deporte y di competi contra otro. E vision di Gobierno ta pa promove mas deporte, pero separa di esey, promove pa nos pueblo move mas. Den esey ta cuminsa na e muchanan caba, cu for di chikito mester adapta na un cultura nobo di movcion y di biba saludabel.


Minister Schwengle ta felicita tur e participantenan den e Olimpiada Escolar 2014 y ta encurasha nan pa sigui practica deporte y haci nan best. E hobennan aki mañan lo ta esunnan cu lo saca cara di Aruba.

"P'esey ta importante pa motiva nan pa sigui riba e caminda aki, haciendo movcion y participando den e tipo di eventonan bunita manera esaki", asina e mandatario a termina bisando.



*"I am the resurrection, and the life:
he that believeth in me, though he were dead, yet
shall he live:
and whosoever...believeth in me shall never die.
"John 11:25,26*

With deep sympathy we announce the death of:



Martha Jules

Who passed away at the age of 74

The funeral will take place on Saturday May 31st, 2014 at 11 o'clock leaving the Olive Tree Funeral Home to the central cemetery in Sabana Basora. The late Jules will be laid out from 9 o'clock in the morning in the Olive Tree Funeral Home in Cumana.

Diasabra tabata un dia
hopi tristo pa nos ora nos a
tende cu

Mario Helder

a wordo yama door di nos
Tata Celestial.

Nos sa cu el a wanta su
dolor den silencio, nos no a
spera cu e lo bay laga nos
asina liher.

Nos ta contento di por a
conoce y tine den nos bida.

Un persona cu semper tabata cla pa yuda nos y sigur
sigur un bon compaño pa nos mama y wela.

Te na ultimo cu su curpa pa duna, el a musta atencion
pa cu salud di nos mama y wela sin pensa pa su mes.

Den nos oracionnan semper e lo ta.

Nos no ta bisa ayo Mario sino te despues.

Danki na su famianan cu ta permiti nos mire pa ultimo
biaha.

E lo keda semper den nos curazon.

Sosega na paz Mario Helder

Den nomber di Irena Maduro y yunan y famia.

Pa motibonan personal nos lo no ta presente na misa.



Ban duna HONOR na e SPIRITO di DIOS

Henter Pueblo di Aruba ta keda cordialmente invita pa participa na e nobenario na honor di Spirito Santo cu ta tuma lugar entrante Diabierna, 30 di mei te cu Diasabra 7 di juni 2014 na Misa Inmaculada Concepcion na Santa Cruz. Ta cuminsa cu oracion y rosario pa 4:25 di marduga sigui pa un Santo Sacrificio di Misa pa 5:00 di mainta.

Ban Rumannan, ban habri nos curazon pa e promesa berdadero di Dios, esta Su Spirito Santo. E ta nos Judador fiel; den cualkier situacion dificil nos por recurri na Spirito Santo pa judansa, iluminacion y guia. Ta e Spirito aki por juda nos na tuma decisionnan correcto; trece paz y tranquilidad den nos bida y juda nos

jega un dia na santidad. Hopi biaha E ta juda nos y nos no ta ripara esey mes. Ta parce cu nos no tin suficiente aprecio pa e obranan y milagronan di Spirito Santo. Ta cada un di boso mes por trece un cambio den esaki; e mensahe aki ta specialmente pa boso cu ta lezando e. Tin e curashi pa haci e diferencia; bin y participa na e nobenario aki. E ta solamente un sacrificio chikito pa tur locual Spirito Santo ta haciendo y lo sigui haci pa nos tur y nos sernan keri. Nos ta spera cu boso ta acepta e invitacion aki pa asina dia 8 di juni 2014, nos tur hunto por celebra un PENTECOSTE nobo. Den nomber di Pastor Rey, Pader Andry y grupo di oracion carismatico catolico "Rosea di Dios".

**Misioneros De
Jesus Aruba cu tin
como guia Spiritual:
Pastoor Daniel
Szpila y ta presenta**

**"Asamblea cu MDJ"
di tur Diamars**

**Lugar: Jacinta
Kleuterschool,
Dakota**

**Ora: 7:30pm -
9:30pm**

**Tema 27 mei 2014:
"Kiko ta Uncion?!"**

**Trese tur
Enfermonan cu nos
lo reza na Spiritu
Santu pE baha cu
Su Poder y derama
dobbel porcion riba
tur presente.**

**Ezekiel 36, 27 "Lo
mi drama Mi Spiritu
den boso. Boso lo
ta Mi Pueblo y Ami,
boso Dios.**



**Aruba Softball Bond ta extende nan sincero
condolencia na famianan di:**

**Sr. Isaak Gottfried
di Casa Haime**

**Na bida Isaac tabata un fiel colaborador
di Aruba Softball Bond**

**Nos ta hopi agradecido na loke Isaac a significa
y haci pa Aruba Softball Bond**

**Condolencia ta bay na su yiu Michael Gottfried cu tambe ta
sostene ASB y na su nieta Jennifer Gottfried kende a tira pa
seleccion di Aruba Softball Bond aña pasa**

Cu Isaac sosega na paz!

INVITACION PA NOBENA NA HONOR DI DIOS SPIRITO SANTO

DIANAN : 30 DI MEI TE CU 7 JUNI 2014

**ORARIO : 4:25 MAINTA - ROSARIO Y ORACION
DI SPIRITO SANTO**

5:00 MAINTA- SANTA EUCARISTIA

**LUGAR : MISA INMACULADA CONCEPCION
SANTA CRUZ.**

Oranjestad no a scapa for di e team di Train Hard Fight Smart di Brazil Taekwondo Stichting cu flyers pa e fiesta di 'N Fusion y Rincon Boyz



Diasabra atardi e team di Train Hard Fight Smart a baha pa Oranjestad cu un meta ariba mente. Mainta a train duro y a keda cu energia ainda pa por a sigui cu e partimento di flyers.

Brazil Taekwondo Stichting ta pone tur cos un banda pa asina concentra mas hopi ariba e fiesta cu tin tur prioridad awor aki pa e team di Train Hard Fight Smart cu ta representa nos Isla, Escudo y Bandera na grandi internacionalmente cu bon resultado. E directiva ta drumi lanta pensando ariba e team cu ta train duro y cu un solo meta pa tin e fondonan necesario pa e atletanan. Awor ta conta cu e sosten di nos pueblo cu semper ta respalda Brazil Taekwondo Stichting cumprando carchi pa asina contribui na e atletanan. Un cos ta sigur, cada depchi cu Brazil Taekwondo Stichting colecta den forma di fondo ta bay 100% pa e team di Train Hard Fight Smart. Brazil Taekwondo Stichting ta haci un yamada na nos pueblo pa bin e fiesta cu ta pa recauda fondo diasabra awor na Centro di Bario Brazil.

